

MBA MANOVA NY HEVINY

MIKASIKA NY TENINY

VE ANDRIAMANITRA?

 Ndao isika hanondrika ny lohantsika. Tompo Jesosy malala, mivory amin'Ny Anaranaao indray izahay, miaraka amin'ny fiandrasana lehibe an'ny fanondrahan'ilay Herin'Andriamanitra mameleona hitondra anay ao amin'ny fahalalana ny toeranay sy ny faritray, ary ireo andraikitray, amin'ny maha-vahoaka nantsoina iray, nosarahana tamin'izao tontolo izao, voatokana ho an'Andriamanitra. Ekeo, Tompo, izao hariva izao, mba ireo fitahian'Andriamanitra no hitari-dàlana anay sy hitarika anay ao amin'ireo zavatra izay ataonay na lazainay, mba ahafahan'izany hitondra haja sy voninahitra ho an'Ny Anaranaao. Amena.

² Faly aho ny tafaverina ato amin'ny fiangonana izao hariva izao sy ny miaraka aminareo vahoaka malala. Ary fantatro fa mafana ny andro, saingy vao avy niantso ny vadiko aho, heveriko fa sivifolo mahery any, dimy amby sivifolo na enina amby sivifolo na tahaka an'izany, ary somary mafana kely kokoa noho ny eto izany. Noho izany dia manomboka zatra an'ilay toetr'andro mafana aho ankehitriny. Noho izany, fa tena faly aho ny tonga eto amin'ny tabernakla amin'ity fotoan'ny Paska mahafinaritra ity.

³ Ary tsy afaka hilaza aho hoe hiala tsiny aho noho ilay Hafatra lava, lava aninkeo maraina, fa izaho... Izany dia, izaho tsy tia—tia hanasatra ny faharetanareo ary avy eo dia hiverina amin'ilay izy indray izao hariva izao. Fa izaho—izaho dia nila ny—ny hitondra an'io Hafatra io ho anareo, hoe ampanahans'izany fitsanganana izany ianareo. Hitanareo? Koa aza manahy ny amin'izany, intsony, hitanareo. Mifalia eo amin'izany fotsiny! Tsy misy na inona na inona, na aiza na aiza, afaka hanasaraka anareo amin'izany; na inona na inona; voaaro Mandrakizay ao amin'ny Fanjakan'Andriamanitra. Rehefa nametaka Ny Tombokaseny teo aminareo Andriamanitra, dia izany ianareo hatrany amin'ny faran'ilay fitodiana.

⁴ Rehefa mametraka tombokase eo amin'ny fonosan'entana iray ny governemanta, mametraka tombokase iray eo amin'ny varavarana ny lalamby, dia tsy azo kasikasihana io vagao io mandra-pahatongany any amin'ny fitodiany.

Rehefa mametraka Ny Tombokaseny eo amin'ny olona iray Andriamanitra. Ary ny Tombokase dia ny Fanahy Masina.

Rehefa manisy tombokase olona iray tahaka an'izany Izy, dia mandeha mankany amin'ny fitodiany Mandrakizay izy. Tsy afaka intsony mihitsy izy ny mba, mba hiverina, intsony. Satria tsarovy, hoy ny Efesiana 4:30 hoe, "Aza mampalahelo ny Fanahy Masin'Andriamanitra, izay nanisiana tombokase anareo hatramin'ny farany." Hitanareo, voaisy tombokase mandrakizay ianareo. Voaisy tombokase ianareo, Mandrakizay, ao amin'ny Fanjakan'Andriamanitra, tamin'ny alàlan'ny Fanahy Masina. Eritrereto izany ankehitriny!

⁵ Amin'izay fotoana izay, ianareo, hamely totohondry anareo ny devoly, sy hilaza ny zavatra rehetra aminareo izy, sy hiampanga anareo, ary—ary hiezaka hanao anareo hihevitra fa tsy izany ianareo. Fa aza mihaino azy ianareo.

⁶ Ankehitriny, fantatrareo fa efa tafafindra niala tamin'ny fahafatesana ho amin'ny Fiaianana ianareo. Fantatrareo fa ireo zavatra izay tianareo fahiny, dia tsy tianareo intsony. Fantatrareo fa efa nino ny Tenin'Andriamanitra rehetra ianareo. Efa nahita an'Andriamanitra niasa mihitsy teo anivontsika ianareo, tsy nisy...Ireo porofo tsy mety diso hoe Izy no ilay lehibe "IZAHO NO IZY." Voamarikareo fa izay hany voalaza tamin'Ny Anarany, tsy nisy mihitsy zavatra anankiray naminaniana tamin'Ny Anarany ka tsy nitranga marina tokoa araka ny fomba nilazana azy. Na ny siansa, gazety, sary, fakàntsary, ireo mpanoratra, ny zavatra hafa rehetra aza, dia tsy maintsy manaiky an'izany. Hitanareo, tsy mampaninona na tian'izy ireo izany na tsia, Andriamanitra no mampanao azy ireo an'izany, na ahoana na ahoana, hitanareo, mba hampahfantatra an'izany.

⁷ Ankehitriny, amin'ny maha-vondrona kely iray. Tsarovy, tsy ho an'ny vondrona goavana iray no Ahatongavany. "Aza matahotra, ry ondry vitsy; sitraky ny Rainareo..." Hitanareo?

⁸ Te-hametraka teny iray aminareo aho, manaitra, alohan'ny anaovantsika ny fanendrena mpitoriteny iray mihitsy. Ary tena manaitra ity, saingy mba ahafahanareo mahafantatra fotsiny. Ankehitriny, tsy milaza aho hoe ity no isa marina, fa tiako ny hametraka an'izao aminareo.

⁹ Tsy fantatro raha misy olona ato efa mba nahita fampifangaroana biby fiompy. Fa, tsy mino an'ilay izy aho, nefy efa nandinika an'izany vita. Ary efa nahita azy ireo naka ny tsirin'ain'ilay lahy aho, ampy fotsiny, azo nokasihana teo ambonin'ny vy fotsy kely iray, tahaka ny fisokira-nify kely anankiray, ka nametraka an'izany teo ambonin'ny silaka vatofotsy iray. Ary nanodina an'ireo fitaratra izay manalehibe azy, tsy fantattro hoe impiry, mandra-pahatongan'io tsirin'aina io... Izay tsy ahafahanareo mahita na inona na inona amin'ny masonareo ara-nofo, na fitaratra tsotra. Fa rehefa niha-lehibe ilay izy, in-jato na in-dimampolo amby zato, no ahafahanareo

mahita ao anatin'io indray mitete kely io, an'ilay tsirin'aina, angamba tsimoka kely dimampolo ka hatramin'ny zato no miantsambotsambotra manodidina. Izao koa, ao amin'ilay vavy dia atody maro no tonga, ao—ao anatin'ilay tsirin'aina. Ankehitriny, rehefa izy ireo no—no atambatra, ankehitriny, ireo roa voalohany izay mihaona sy mifandray... .

¹⁰ Anankiray amin'io tapitrisa io ihany no ho velona. Efa mba nieritreritra an'izany ve ianareo? Tsimoka iray ihany izy ireo, ary atody iray ihany, mitovy mihitsy izy roa ireo, saingy anankiray ihany no ho velona. Ary tsy voafetra izany hoe iza no tonga voalohany eo. Satria, indraindray ny atody, dia any amin'ny farany indrindra, ary ilay tsimoka mety ho ao afovoan'ilay tsirin'aina, ary hifampihanika izy ireo. Mila Fahalalana iray ny ahafantarana na ho zazalahy ilay izy na zazavavy, mena volo, mainty volo, na inona koa. Ny fifidianan'Andriamanitra izany. Tsy mety ho zavatra hafa. Fifidianana!

¹¹ Na ao amin'ny fahaterahana ara-nofo aza, dia fifidianana, na ho zazalahy ilay izy na zazavavy, na ho inona ilay izy. Ary rehefa miolanolana miditra ao amin'io atody kely io ilay tsimoka kely, ka miendaka ireo rambo kely, dia izany no manomboka ny taolan-damosin'ilay zazakely avy amin'izay ihaviany, biby, zazakely, na inona na inona izany. Ary ny sisa amin'ireo tsimoka an-tapitrisany ireo... Atody iray tapitrisa, tsimoka iray tapitrisa, nefá anankiray ihany no velona. Mitovy izy rehetra, saingy Andriamanitra no mifidy amin'ny alàlan'ny fifidianana hoe iza no ho velona, ary levona ny sisa amin'izy ireo. Iray amin'ny iray tapitrisa!

¹² Rehefa niala tao Egypta ny Isiraely, izy rehetra dia nino ny hafatry ny mpaminany anankiray. Nahita an'ireo famantaran'Andriamanitra izy ireo, tamin'ny alàlan'i Mosesy. Nahita azy ireny ny tsirairay avy tamin'izy ireo. Ary ny tsirairay dia nivoaka an'i Egypta, sy nandeha teo amin'ny Ranomasina Mena, ary natao batisa tao amin'i Mosesy. Nahita ny herin'Andriamanitra nandona azy ny tsirairay, rehefa nihira tao amin'ny Fanahy izy; ary rehefa nively an'ilay amponga i Miriama, nihazakazaka nandroso-sy-niverina teo amin'ilay morontsiraka. Ny tsirairay tamin'izy ireo, isankariva, dia nihinana ny manan-danitra vaovao, avy teny amin'ny lanitra. Nisotro avy teo amin'ilay Vatolampy arapanahy izay nokapohina ny tsirairay tamin'ireo. Ary vahoaka roa tapitrisa no niala tao Egypta. Firy no nahatratra an'ilay tany nampanantenaina? Roa. Iray avy ao amin'ny iray tapitrisa! Aiza izy rehetra? Jesosy no nilaza fa levona izy ireo. "Ny razanareo dia nihinana ny mana tany an-efitra, nandritry ny telopolo taona, ary Lazaiako aminareo fa maty izy rehetra."

¹³ Misy eo amin'ny dimanjato tapitrisa eo ankehitriny ny Kristiana eto amin'izao tontolo izao androany hariva, raha isaina ny Katolika, Protestanta, sy ny rehetra. Raha ho tonga ao

amin'ilay Fampakarana Jesosy, arak'izay vao avy nolazaiko, dia hisy dimanjato tsy ho hita eto amin'izao tontolo izao androany hariva, ao amin'ny Fampakarana. Ary mety ho izany izy ireo isan'andro, raha isaina ny firenena rehetra, izay tsy ho hita intsony. Noho izany dia mety hisy amin'ny fotoana rehetra izany, hitanareeo.

¹⁴ Oh, ry Kristiana, ndao isika hitafy ny fiadian'Andriamanitra. Ndao isika hanao izay rehetra fantatsika hoe ahoana, no hanompoana Azy, hitiavana Azy, ka hiandry an'io fotoana lehibe io.

¹⁵ Ankehitriny, tsy hisy an-tapitrisany maro sy olona maro hivoaka avy amin'ny taranaka iray ka hiditra. Tsy—tsy mety hisy izany.

Ankehitriny, tsarovy, ny andro tsirairay dia mamarana taranaka anankiray, ny andro tsirairay. "Tahaka ny tamin'ny andron'i Noa, dia ho toy izany koa amin'ny fihavian'ny Zanak'olona, izay nisy fanahy valo novonjena tamin'ny rano." Fa ny andro tsirairay dia mamarana ny fe-potoan'ny efapolo taona ho an'ny olona iray, ho an'ny sasany. Hitanareo? Ary ny andro tsirairay, dia maro no voaisy tombokase lasa any amin'ny Fanjakana. Indray andro any, ho tonga ilay andro farany.

Ndao isika hahazo antoka ankehitriny, raha mbola ao amin'ny saintsika tsara isika. Ary ao amin'ny fiangonana, sy eo anivon'ny olona, izay misy ny Fanahy Masina tena manondro ny Tenany miaraka amintsika, dia ndao isika hahazo antoka fa mety tsara ny zavatra rehetra, ary mijanona mety tsara, eo Anatrehany.

¹⁶ Aza mijanona ianareo. Aza mitsahatra, andro aman'alina, mandra-pahatongan'io Hery mameleona io hitondra anareo hiala amin'ireo zavatr'izao tontolo izao, ho ao amin'ny Fanjakan'Andriamanitra. Ary ianareo izay nentina marina tao amin'ny Fanjakan'Andriamanitra ka novelomin'ny Fanahin'Andriamanitra, dia sambatra toy ny ahoana! Tokony handohalika miaraka amin'ny ranomasom-pifaliana isika, andro aman'alina, misaotra an'Andriamanitra ny amin'izay Nataony.

¹⁷ Manana fanovàna kely isika izao hariva izao ao amin'ny fotoana. Manana rahalahy mahafinaritra iray isika eto, Rahalahy Capps. Tonga eto amintsika izy avy amin'ny fiangonana Nazareana. Ary heveriko fa marina izany, Rahalahy Capps? Maniry izy izao hariva izao ny hotendrentsika, amin'ny alalan'ny fametrahan-tànana.

¹⁸ Tsy manana taratasy homena olona iray isika, kanefa isika dia fantatra ho... Afaka manana taratasy isika, saingy mino fa ny mpitoriteny marina iray, voatendry, dia any Andanitra ny taratasiny. Hitanareo? Ary izy—izy dia manana zò hitory ny Baiboly raha mbola manondro ny fiaianany amin'ny

Baiboly foana Andriamanitra. Mino isika fa izany no taratasim-panendrena azy.

¹⁹ Ary, ankehitriny, Rahalahy Capps dia efa voatendry arapomba ofisialy tao amin'ny—ny fiangonana Nazareana, fa tiany izao hariva izao ireo loholona, sy ny sisa, hametra-tànanana eo aminy ho an'ny fanendrena, hitondra an'ity Hafatra ity. Zavatra iray mihaja toy ny inona!

²⁰ Izaho dia—izaho dia efa nandre an'ireo tatitra hatramin'ny naaha-teto Tucson ahy, ary tena tatitra mahafinaritra, mikasika an-dRahalahy Capps eto tao amin'ny fanampiany an'ny Rahalahintsika Neville tsara fanahy, izay mihazona an'ilay laboziān'ny Hazavana am-panajana mihitsy arak'izay azon'ireo lehilahy roa ireo hihazonana azy. Efa nametra-tànanana teo amin-dRahalahy Neville isika, fa tsy teo amin-dRahalahy Capps. Ary tiako ireo izay mpitoriteny, Rahalahy Jackson sy izy ireo, raha eto izy ireo, sy Rahalahy Ruddell ary ireo loholon'ny fiangonana eto, raha hiakatra eto izy ireo mandritry ny fotoana vitsivitsy fotsiny ankehitriny, ka hametra-tànanana eo amin-dRahalahy Capps. Ary ny . . .

²¹ Hitantsika ankehitriny, ao amin'ny Baiboly, fa tahaka an'izany no nanaovan'izy ireo azy, nametra-tànanana teo aminy izy ireo ary nametraka azy ireo nitokana avy eo. Ary tahaka an'izany no nataon'izy ireo tamin'i Timoty. Izao no voalaza, “Tamin'ny alàlan'io fanomezam-pahasoavana izay tao anatinao io, avy tamin'ny renibe Loisa . . .” Voamarik'izy ireo izany, hoe nisy fanomezam-pahasoavana iray tao amin'ilay lehilahy, tonga taminy tamin'ny alàlan'ireo presbytera, tamin'ny alàlan'ny fametrahan-tànanana.

²² Ankehitriny, ireo rahalahy an'ny andro farany, ireo rahalahy an'ny andron'ny fara-orana, dia nanao, na izany aza, an'ilay izy ho nifangaro. Nihevitra izy ireo fa nanome azy fanomezam-pahasoavana iray izy ireo, tamin'ny fanaovana an'izany. Tsia, efa tao anatinily fanomezam-pahasoavana, saingy nametraka ny tènany teo aminy fotsiny izy ireo ho fankatoavana fa nino izy ireo hoe efa nametraka an'ilay fanomezam-pahasoavana tao anatiny Andriamanitra. Ary nankatò an'izany izy ireo, tamin'ny alàlan'ny fametrahan-tànanana.

²³ Ary ireo lehilahy ato amin'ity fiangonana ity ireto, izay inoako fa manana Ny Heriny mamelonao anatin'ny fanahiny; raha hiakatra fotsiny ianareo rahalahy ankehitriny, Rahalahy Ruddell sy ny sisa rehetra aminareo izay ato amin'ny fiangonana, ary ireo loholona sy ireo fiangonana rahavavy manodidina, mba hametra-tànanana eo amin-dRahalahy Capps, mba hahatonga azy ho voatendry nohon'ny fankatoavantsika, eto anatrehan'ity mpanatrika ity, sy nirahina hitory ny Filazantsaran'ny Tompo Jesosy, na aiza na aiza mety hiantsoan'Andriamanitra azy. Izy dia lasa . . .

Efa isan-tsika izy, tamin'ny alàlan'ny Fahaterahana. Isan-tsika izy satria efa nino ny Hafatra. Isan-tsika izy satria dia—dia manohana ny Fahamarinan'ny Teny. Ary tiantsika ho voatendry ara-pomba ofisialy Rahalahy Capps, eo anatrehanareo, amin'ny alàlan'ny fametrahan-tànana, hoe isan-tsika izy.

Eka, Rahalahy Ruddell, Rahalahy Capps, Rahalahy Neville. Rahalahy Junior Jackson, ny tsirairay amin'ireo mpitoriteny hafa eto, tsy fantatro fotsiny hoe misy firy. Izaho tsy... Ataoko fa manana ny fotoany manokana izy ireo izao hariva izao. Noho izany dia miakara eto, Rahalahy Capps.

Ankehitriny aiza i Rahalahy Hunter sy ireo avy any New York, izaho... Rahalahy Anthony? Ataoko fa lasa niverina izy ireo. [Hoy Rahalahy Neville hoe, "Misy an-dRahalahy Anthony iry aoriana iry."—Mpand.]

Ny tsirairay aminareo hafa izay eto, izay miaraka aminay, nahoana, ho faly izahay raha hiakatra eto ianareo ka hitsangana miaraka aminay ankehitriny, ho fanekena fa mino izahay hoe izany Rahalahy Capps.

Firy aminareo eto no mahafantatra an-dRahalahy Capps, atsangano ny tànanareo. Eny àry, ampidino ny tànanareo. Firy no mino fa mpanompon'Andriamanitra iray izy, atsangano ny tànanareo. [Hoy ny fiangonana hoe, "Amena."—Mpand.] Tia azy isika, amin'ny maha-rahalahintsika.

²⁴ Ankehitriny tsy izao no fomba marina an'izay antsointsika hoe fanendrena, fa tiako ity mpanatrika ity... Tsy afaka hihira an'ity hira ity aho, fa tiako ianareo hanampy ahy hanandrana azy. Izany...

²⁵ Nanatona teo amin'ny alitara ny mpaminany iray indray andro, tao amin'ny tempoly. Ary raha mbola tao an-tempoly izy... Efa lehilahy tsara iray izy, saingy niankina fotsiny teo amin'ny sandrin'i Ozia ilay mpanjaka, ary izy dia—izy dia lehilahy tsara iray. Kanefa, indray andro, tao an-tempoly, dia nahita zavatra anankiray izy, rehefa niditra tao amin'ny fahitana iray, izay tsy mbola hitany mihitsy tany aloha. Nahita Anjely izy, niaraka tamin'ireo elatra, nanidina nandroso sy niverina, nanerana an'ilay tranobe, niantsoantso hoe, "Masina, masina, masina, ny Tompo Andriamanitra Tsitoha!"

Avia, rahalahy. Hia. Hitanareo?

"Masina, masina, masina, ny Tompo Andriamanitra Tsitoha!"

Ben?

²⁶ Ary rehefa nanao izy, dia nihetsiketsika ireo andrin'ny tempoly. Ary hoy izy hoe, "Lozako! fa lehilahy iray maloto molotra aho." Nahafantatra izy teo amin'ny Fanatrehan'Andriamanitra, fa na mpaminany iray aza izy,

dia diso. Hoy izy hoe, “Lehilahy iray maloto molotra aho, ary mitoetra eo anivon’ny olona maloto molotra.”

²⁷ Ary nanidina ny iray tamin’ireo Anjely, dia naka vain’Afo iray ka nikasika ny molony, ary nanao hoe, “Maminania, ry zanak’olona!”

Hanome anay naoty iray an’izany ve ianao, ranabavy, raha sitrakao. Firy no mahay an’ity hira ity? Ndao isika, andininy anankiray. Eny àry.

Rehefa nikasika an’ilay mpaminany ny Afon’arina,

Nanao azy hadio dia hadio arak’izay tratrany,

Rehefa ny feon’Andriamanitra no nanao hoe, “Iza no handeha ho anay?”

Dia namaly izy hoe, “Inty aho, iraho aho.”

[Elanelana tsy voaraki-peo—Mpand.] . . . mitenena, ry Tompoko,

Mitenena, dia ho haingana aho hamaly Anao;

Mitenena, ry Tompoko, mitenena, ry Tompoko,

Mitenena, ary izaho hamaly hoe, “Tompo, iraho aho.”

An-tapitrisany ankehitriny no maty ao amin’ny ota sy henatra;

Henoy ny antson’izy ireo mampalahelo sy mangidy;

Haingana, rahalahy, haingana ho an’ny fanafahana azy ireo;

Mamalia haingana hoe, “Tompo, inty aho.”

Mitenena, ry Tompoko, mitenena, ry Tompoko,

Mitenena, dia ho haingana aho hamaly Anao;

Mitenena, ry Tompoko, mitenena, ry Tompoko,

Mitenena, ary izaho hamaly hoe, “Tompo, iraho aho.”

Aoka ho tonga manodidina ireo loholona ankehitriny ka hametra-tànanana eo amin-dRahalahy Capps. Ndao isika rehetra hanondrika ny lohantsika.

²⁸ Andriamanitra malala, nihetsika indray ireo andrin’ny tempoly, ary eo am-pahitana an’ilay Fanahin’ny Aina mamelona izay miasa ao amin’ny rahalahinay izahay. Mivavaka aho, Andriamanitra, satria mahatsapa an’izao avy any Ambony izy, izay milaza fa tsy maintsy mandeha izy. Mametraka ny tànanay eo aminy izahay, amin’ny maha-Loholonao, Tompo, ka manome azy ny tànanana ankavanana’ny fiombonana; ary mametraka ny tànanay eo aminy, sy mampita an’ireo tso-dranon’Andriamanitra ho eo aminy, mba Hanosoranao ny molony, ny fisainany, ny tenany manontolo. Ary enga anie izy hitondra an’ity Hafatry ny Filazantsara ity any amin’ny elakelany sy zorony rehetra izay Hiantsoanao azy. Ekeo izany,

Tompo. Atolotray Anao ny rahalahinay, ho mpanompo iray an'ireo Anao, amin'ny Anaran'i Jesosy Kristy. Amena.

²⁹ “Torio ny Teny,” ry rahalahiko tanora. “Amin’ny vanim-potoana, na tsy amin’ny vanim-potoana; mandrese lahatra, mamporisiha, amin’ny fahari-po rehetra sy Foto-pampianarana.” Andriamanitra hitahy anao, rahalahy.

³⁰ [Hoy Rahalahy Ben Bryant hoe, “Rahalahy Branham, hametra-tànanana eo amiko ve ianao? Hametra-tànanana eo amiko ve izy ireo? Te-ho voatendry aho.”—Mpand.] Ianao ve... Tsy fantattro hoe tsy voatendry ianao.

Rahalahy Ben, eto, dia tonga eto amintsika. Heveriko fa efa nitory teny nandritry ny fotoana vitsivitsy izy. Kanefa, mbola tsy ara-pomba ofisialy izy (nihevitra aho fa izany izy; izay no antony niantsoako azy) voatendry, na nametrahan-tànanana teo aminy teto.

³¹ Ankehitriny, ato any ho any ny vadin-dRahalahy Ben, ary olona malala iray izy. Efa vehivavy mpitoky teny iray izy. Koa rehefa nivady izy sy ny rahalahintsika, ka nitondra azy teto amin’ny tabernakla izy, rehefa nahita sy nandre ny Teny izy, kanefa dia ramatoa kely mahafinaritra miaraka amin’ny toetra iray mahafinaritra, saingy rehefa hitany fa ratsy ho an’ny vehivavy ny manao an’izany, dia nihataka izy; ary toy ny hoe nilatsaka teo amin’ny vadiny ilay izy. Marina mihitsy izany. Apostolika ilay izy. Tahaka an’izany no tokony haha-izy azy.

³² Maka an'ireo horonam-peo Rahalahy Ben, raha azoko, miaraka amin’ny vadiny. Mandeha any amin’ireo mi-... any amin’ireo toerana tsy misy lâlana, any an-tendrombohitra lavitra any, any amin’ireo aty ala, ary mandefa an’ireto horonam-peo ireto izy ireo sy manazava an’ireo horonam-peo. Matetika izy ireo no noroahina, voaroaka, avoaka any ivelany. Izany no andrasantsika. “Fa ireo izay miaina am-pahamasinana ao amin’i Kristy Jesosy dia hiaritra fanenjehana.”

³³ Firy eto no mahafantatra an-dRahalahy Ben? Firy no mino azy ho mpanompon’Andriamanitra, [Hoy ny fiangonana hoe, “Amena.”—Mpand.] mendrika an’izao tso-drano izao izay hangatahantsika amin’Andriamanitra ho azy? Hitanareo, tsy vahiny iray izy. Efa niaraka tamintsika nandritry ny taona maro sy taona maro izy. Mahafantatra azy ho lehilahin’ny fanetre-tena iray aho. Tahaka ahy izy; manao fahadisoana maro. Manao an’izany isika rehetra. Ny zavatra tiako amin-dRahalahy Ben, izy dia manaiky ny handady amin’ny lohaliny mba hanitsy an’izany.

Ary rehefa nandre izy, indray andro, teo amin’ny *Fanambadiana Sy Fisaraham-panambadiana*, dia efa vonona ny hisaraka izy sy ny vadiny, satria tiany izy, ary izy tia azy, saingy te-hilahatra amin’ny Tenin’Andriamanitra izy ireo. Na inona na inona nolazain’ny Teny, dia izany no tian’izy ireo. Mivavaka aho

mba hitahian'Andriamanitra an'i Ben sy ny vadiny, ho an'ny Asany.

Ndao isika hametraka ny tànantsika eo amin'ny rahalahintsika.

³⁴ Andriamanitra malala, mameetraka ny tànanay eo amin'i Rahalahinay Ben izahay, ho famantarana iray fa tia azy izahay. Ary mino izahay, Tompo, fa sitrany ny hanao asa iray ho Anao, ny ho hirahina miaraka amin'ireto horonam-peo ireto, handefa azy ireo eo anivon'ireo olon'ny tendrombohitra sasany any amin'ireo toerana lavitra izay mety tsy ho tongan'ny maro aminay mihitsy angamba, kanefa ny Hafatra dia tsy maintsy handeha any amin'izao tontolo rehetra izao. Mivavaka izahay mba Hitahianao ny rahalahinay, ka hanome azy Ny Fanahinao, ary enga anie Izany ho tonga eo aminy. Ary tariho lâlana izy, ka tariho izy sy ny vadiny ho any amin'ireo toerana izay misy an'io fanahy anankiray io angamba any lavitra any, fa tsy afaka hikatona ireo varavarana mandra-pahatongan'io ondry anankiray io entina hiditra. Tsy afa-po amin'ny sivy amby sivifolo Ianao. Ny... Tsy maintsy entina miditra ny anarana rehetra izay eo amin'ilay Boky. Ampio izy ireo, Tompo, raha mametra-tànana eo aminy izahay, amin'ny fampiarahana azy miaraka aminay amin'ny maha-rahalahinay. Ary ny fanampianay sy ny vavakay ho azy, dia handeha hiaraka aminy. Koa mivavaka izahay mba Hitahianao azy, Tompo, na aiza na aiza alehany. Amin'ny Anaran'i Jesosy. Amena.

Ho tahiana ianao, Rahalahy Ben! Omenay anao ny tànana ankavan'an'ny fiombonana, amin'ny maha-rahalahy mpitoriteny. Andriamanitra hitahy anao, rahalahy.

³⁵ [Hoy Rahalahy Earl Martin hoe, "Rahalahy Branham, hametra-tànana eo amiko ve ianao, hanendry ahy hiasa amin'ny maha-pasitera iray?"—Mpand.] John Martin...[“Earl.”] Earl.

Firy no mahafantatra an'i Earl Martin? Firy no mino azy ho mpanompon'i Kristy? Tonga eto amintsika izy avy amin'ny... Mino aho fa ny, tany am-boalohany, dia avy amin'ny vondrona Pentekotista iray, ary heveriko ankehitriny fa mitandrina izy ary manao asa iray mahaleotena.

³⁶ Efa nahafantatra an'i Earl ho tena mpanompon'i Kristy iray aho. Tsy ho hadinoko mihitsy ny hetsika anankiray, efa nisy betsaka, saingy hetsika anankiray niaraka tamin'i Earl. Tsaroako indray hariva fa niantso azy izy ireo rehefa tany Dallas aho, Texas; na izaho—izaho mino, tsia, izany dia... [Hoy ny anabavy iray hoe, "Beaumont."—Mpand.] Beaumont, Texas, marina izany, ranabavy. Ary izy ireo—izy ireo... Ny zanany kely dia nandry, teo am-pahafatesana, ary nihevitra izy ireo fa efa maty izy. Tsy niaina intsony izy. Ary nitady ny lâlany nankao amin'ny efifro i Earl, amin'ny maha-dada iray, ireo soroka niforitra, nandohalika teo anoloako, raha

teo am-pandriana aho. Nikodiadia nivoaka aho; napetrany nanodidina ahy ny sandrinny ka nanao hoe, "Rahalahy, mino aho fa mpaminanin'Andriamanitra ianao. Efa nino an'izany foana aho. Ka raha hiteny an'ilay teny fotsiny ianao, na maty aza ny zanako kely, dia mbola ho velona izy." Ary niverina tamin'ny fiafianana ny zanany kely, velona izy.

³⁷ Mino ve ianareo fa mendrika ny tānana ankavanan'ny fiombonan'ireto mpino ireto izy? [Hoy ny fiangonana hoe, "Amena."—Mpand.]

Ndao isika hivavaka, rahalahy, raha mametra-tānana eo aminy isika.

³⁸ Ray An-danitra mpiahy, izahay dia mametra-tānana, indray, eo amin-dRahalahinay Martin. Maniraka azy izahay, Tompo, ho any amin'ireo ampahany farany indrindra izay Notendrenao ka tsy mantsy handehanany; na aiza na aiza izany, maro na vitsy, lāla-miolaka, lālana malalaka, fefy, raha izany ilay izy. Na aiza na aiza izany, Tompo, dia enga anie hiaraka aminy ireo Fitahianao. Mametraka ny tānanay eo aminy izahay raha mirary ny Fahombiazanao ho azy sy manolotra azy ny tso-dranonay, ka ilay Fanahy izay eo aminay, Tompo, no enga anie hiaraka aminy, sy hitari-dālana azy ary hitarika azy eo amin'ireo fanahy very any amin'ireo fefy sy lālana malalaka. Maniraka azy izahay, amin'ny Anaran'i Jesosy Kristy. Amen.

Andriamanitra hitahy anao, Rahalahy Martin. Mandehana ankehitriny, ary homba anao anie ny Tompo.

³⁹ Ho an'ilay tanjona iray ihany? [Miresaka amin-dRahalahy Branham i Rahalahy Richard Blair—Mpand.] Richard no anaranao? ["Marina. Richard Blair."] Firy no mahafantatra an'i Richard Blair? Firy no mino azy ho mpanompon'Andriamanitra iray? Izy dia avy amin'ny—ny vondron'ny fiangonana Pentekotista Mitambatra.

Ary rahalahy, Rahalahy Blair, tsaroako ny antso lehibe iray, azy. Tsaroako ilay fotoana izay nisy an-dRahalahy Blair tsy nety, tsy te-hino ahy, satria nisy fanahy iray izay niasa niaraka taminy, niteny taminy fa sandoka aho. Ary raha mbola nipetraka mihitsy tao amin'ilay favoriana izy, dia nihodinkodina ny Fanahy Masina ary niantso an'ilay izy. [Hoy Rahalahy Blair hoe, "Marina izany."—Mpand.] Ary izy dia efa saika vonona ho an'ny—ny fikorontanan-tsaina iray, ary izany no nanao azy tao amin'io toerana io.

Ary tsaroako ny vadiny maha-te-ho tia niantso ahy indray andro. Hoy izy hoe, "Ranadahy Branham, mino aho fa ho faty i Richard." Ary izy dia nanana, mino aho, fehi-tenda iray. Lasa izy ary nametraka an'izany teo aminy, araka ny nangatahako taminy, ka nivavaka. Indro eto izy. [Hoy Rahalahy Blair hoe, "Amena."—Mpand.]

⁴⁰ Tao amin'ny lozam-piarakodia ny zazakely iray, na . . . [Hoy Rahalahy Blair hoe, "Ny zanako lahy."—Mpand.] Ny zanany lahy, tao amin'ny lozam-piarakodia iray, ka tsy nanome azy fanantenana betsaka izy ireo, niaraka tamin'ny fahavoazan'ny ati-doha. Ary niaraka tamin'ny vavaka, na tamin'ny alàlan'ny telefona aza, dia salama ilay zazakely. ["Amena."]

Mino ve ianareo fa vavolombelon'i Kristy marina iray i Rahalahy Blair? [Hoy ny fiangonana hoe, "Amena."—Mpand.] Mivavaha ianareo mba handehanan'ny tso-dranonareo hiaraka aminy.

Rahalahy, apetraho aminy ny tànanareo.

⁴¹ Andriamanitra malala, mba hanondroana ny rahalahinay tsara fanahy sy hajaina, ny Mpanomponao, izay nivoaka tamin'ny vondrony manokana mihitsy aza, mba handeha ao amin'ny Hazavana. Ray, mivavaka izahay mba Hitahianao an'i Rahalahinay Blair, raha maniraka azy miaraka amin'ny tso-dranonay sy ny fankatoavanay izahay, amin'ny alàlan'ny tànanay eo aminy, ho any amin'izay rehetra mety Iantsoanao azy, Tompo, ho amin'ny asa rehetra mety hisy. Enga anie Ny Fanahinao handeha hiaraka amin-dRahalahy Blair. Tariho lèlana izy ary tariho ho any amin'ilay very sy eo am-pahafatesana an'ity izao tontolo izao ity, mba hahafahany hanampy hahitana an'io ondry very io, mba hahafahany hamerina azy ao amin'ny valan'ondry. Na mety ho aiza izany na aiza, na inona na inona Anananao ho azy, Tompo, dia mangataka fotsiny izahay mba Ny Fanahinao no hitari-dàlana azy sy hitarika azy mandritry ny diam-piainany. Rahalahiny izahay. Amin'ny fanomezana azy ny tànana ankavanana'ny fiombonana, dia mangataka Aminao izahay mba handeha hiaraka aminy, amin'ny Anaran'i Jesosy Kristy. Amen.

Ny tànana ankavanana'ny fiombonana! Andriamanitra hitahy anao, Rahalahy Blair. Miaraka aminao izahay, zato isanjato, mivavaka ho anao ary hanao ny zavatra rehetra izay vitanay hanampiana anao hatrany. Andriamanitra hitahy anao.

⁴² [Hoy Rahalahy Merlin Anthon hoe, "Tahaka an'izany koa ny ahy, Rahalahy Branham, ho an'ny fanendrena."—Mpand.] Ahoana hoe? ["Fanendrena."] Iza ianao? ["Merlin Anthon."] Merlin Anthon. ["Ato amin'ny fiangonana aho."] Aiza? ["Eto amin'ny fiangonana eto."] Ato amin'ny fiangonana. Misy olona mahafantatra an-dRahalahy Merlin Anthon ve? Vaovao izy, ho ahy. ["Miaraka amin'ny Tafiky ny Famonjena. Tadidinao ve aho?"] Oh, eny. Mamelà ahy, rahalahy.

Avy amin'ny Tafiky ny Famonjena, marina izany, tadidiko izy. Azo antoka, fantatro izy ankehitriny. Izaho fotsiny . . . Tsy nahazatra ahy fotsiny ny endrinry teo, tamin'io fotoana io. Firy no mahafantatra azy ho lehilahin'Andriamanitra iray? [Hoy ny fiangonana hoe, "Amena."—Mpand.] Firy no mino fa-fa

miasa miaraka aminy Andriamanitra, atsangano ny tānanareo. [“Amena.”] Hivavaka ho azy ve ianareo? [“Amena.”]

⁴³ Ankehitriny, rahalahy, fantatray fa avy amin’ny vondrom-bahoaka malaza iray ianao, ny Tafiky ny Famonjena, vahoaka malaza iray izy ireo. Fa, ary, fa tena manao asa iray lehibe eny an-dàlambe ny Tafiky ny Famonjena. Tsy afaka milaza na inona na inona manohitra ny Nazareana isika, ny fiangonana Pentekotista, na ny Tafiky ny Famonjena, na ny iray amin’izy ireo; rahalahintsika izy ireo. Saingy, hitanareo, mino isika fa mpitondra ny Hafatra lehibe iray ho an’ity tena ora izay iainantsika ity isika. Tianao ve ny hanao an’izany miaraka aminay? [Hoy Rahalahy Anthon hoe, “Amena.”—Mpand.]

Ndao isika hanondrika ny lohantsika raha mametraka ny tānantsika eo amin’ny rahalahintsika isika.

⁴⁴ Ray An-danitra malala, Ianao no Anankiray izay manao ny antso. Ianao no Anankiray izay mamelona ny Teny, mba hahafahan’izy ireo hino. Ary mametraka ny tānanay eo amin’ny rahalahinay sarobidy izahay, ho fankatoavana fa mino hoe homba azy Ianao ary hanampy azy. Mandefa ny tso-dranonay miaraka aminy izahay, dia izahay izay mino fa efa tafafindra niala avy tamin’ny fahafatesana ho amin’ny Fiainana ary mihazona ny Hery mamelona ao am-ponay ankehitriny, nohon’ny fahasoavan’Andriamanitra. Mametraka ny tānanay eo amin’ny rahalahinay izahay ary maniraka azy miaraka amin’ny tso-dranonay, mba Ianao no hitarika azy sy hitari-dàlana azy ary hitondra azy eo amin’ny fisamatsamahan’ny tany rehetra, Tompo, izay Nanendrenao azy handehanany. Enga anie Ny Fanahinao handeha hiaraka aminy ary hanome azy fahasalamana, tanjaka, ary fahombiazana ao amin’ny asampanompooany, fa maniraka azy amin’ny Anaran’i Jesosy Kristy izahay. Amen.

⁴⁵ Andriamanitra hitahy anao, rahalahy. Izany no tānana ankavanany’ny fiombonana, fantatrareo, mifandraisa tānana aminy ry rahalahy, ireo rahalahy tahaka an’izany. Noho izany ianareo dia... Eny àry, hitahy anareo rehetra ny Tompo.

⁴⁶ [Hoy Rahalahy Carrell hoe, “Izaho—izaho tsy mbola natao mihitsy, ara-pomba ofisialy. Tiako ianao hametraka ny tānanaeo eo amiko, tahaka azy ireo, amin’ny Anaran’i Jesosy.”—Mpand.] Ianao, na inona na inona irianao. Ary ny anao... [“Izao no fotoana, ary mitovy amin’ny azy ireo.”] Ankehitriny iza no anaranao? [“Rahalahy Carrell, avy any Cincinnati.”] Rahalahy Carrell.

[Hoy Rahalahy Carrell hoe, “Mpitoriteny iray voatendry aho, saingy tsy afaka nifanaraka tamin’ilay rahalahy izay nanendry an’ireo vehivavy ho mpitoriteny, ka tsy maintsy nisaraka tamin’izany aho.”—Mpand.]

Ity no Rahalahy Carrell avy any Cincinnati. Ny olona iray izay mahafantatra an-dRahalahy Carrell, atsangano ny... Satria avy any Cincinnati, dia misalasala an'izany aho, hoe misy olona iray mahafantatra. Milaza izy fa niaraka tamin'ny vondrona iray, ary ilay vondrona dia te-hanendry an'ireo vehivavy mpitoriteny. Tsy afaka nahatanty an'izany izy, ka tsy maintsy nisaraka tamin'izy ireo.

Izany marina tokoa no nisarahako tamin'ireo Misionera Batista. Dokotera Roy E. Davis, firy no efa mba nandre azy? Azo antoka, nandre ianareo, hitanareo. Te-hanendry vehivavy mpitoriteny sasantsasany izy, ka hoy aho hoe, "Tsia, tompoko. Amin'ny maha-loholona," hoy aho, "dia tsy afaka hanao an'izany aho, eo am-pahalalana tsara. Manohitra ny Tenin'Andriamanitra izany."

⁴⁷ Tsy mahafantatra anao aho, Rahalahy Carrell. Fa eo amin'ny fototry ny filazanao, sy io Fahamarinana izay tohananao io... Tsy manana na inona na inona manohitra an'ireo vehivavy ireo isika. Anabavy izy ireo. Tiantsika izy ireo. Saingy mino isika fa manana ny toerany izy ireo, ary tsy maintsy mijanona amin'izany. Hitanareo? Ary mino isika fa malala iray ho an'ny lehilahy iray izy ireo, mpanampy iray. Ary na manao ahoana na manao ahoana... Mihevitra isika fa izy ireo no fanomezana lehibe indrindra, ankoatry ny famonjena, izay hany nomen'Andriamanitra ny lehilahy iray. Saingy tsy manana toerana eo amin'ny polipitra izy ireo, araka ny Tenin'Andriamanitra. Eo amin'izany fototra izany, sy ny finoanao an'Andriamanitra, dia mameatra-tànana eo aminao izahay, ho fiombonana, mba ho tonga handeha hiaraka aminay.

Ndao isika hametraka ny tànantsika eo aminy.

⁴⁸ Rainay An-danitra malala! Ity lehilahy tanora ity, azoko fantarina fotsiny hoe ahoana no tsapany. Voaroaka izy nohon'ny tena Fahamarinana iray. Fa, "Tsy ny mofo ihany no hiveloman'ny olona, fa ny Teny rehetra." Noho izany dia mameatra-tànana eo aminy izahay, mameatra ny tso-dranonay eo aminy. Enga anie Ny Fanahinao hitarika azy, hitari-dàlana azy, ary hitondra azy mandritry ny diam-piaiany ho any amin'izay mety Hanirahanao azy, Tompo. Aoka izy hahafantatra fa mivavaka ho azy izahay, ary ho fanampiana iray ho azy, sy hanohana azy raha mbola hanohana ny Fahamarinana foana izy. Ekeo izany, Tompo. Maniraka azy izahay, amin'ny Anaran'i Jesosy Kristy. Amena.

Andriamanitra hitahy anao, Rahalahy Carrell.

Apetraho fotsiny ireo tànana, ireo hafa. Ianareo rehetra hanome azy ny karazana tànana ankavanana'ny fiombonana ho an'izany.

⁴⁹ Rahalahy Ruddell, eto, dia mbola tsy voatendry tamin'ny fomba ofisialy mihitsy teto amin'ny fiangonana. Afaka... Firy no mahafantatra an-dRahalahy Ruddell? [Hoy ny fiangonana

hoe, "Amena."—Mpand.] Mahafantatra azy isika rehetra. Firy no mahafantatra fa lehilahin'Andriamanitra iray izy? ["Amena."]

Ray An-danitra malala, amin'ny maha-Lohololao dia mametra-tànana eo amin'ity rahalahy ity izahay izay nandalo tao amin'ireo rano lalina, feno fotaka. Nahita ny fiangonany nihena izy. Nahita ny zavatra rehetra niseho izy, kanefa nino. Na dia ilay Mameetraka ny tànanay eo aminy izahay, ary mampita ny tso-dranonay ho eo aminy. Hosory izy, Tompo, amin-kery, miaraka amin'ny Teny, Tompo, ary iraho ho eny amin'ny fisamatsamahan'ny tany rehetra! enga anie ho eo aminy sy hanampy azy. Ary iraho izy, amin'ny Anaran'i Jesosy Kristy. Amen.

⁵⁰ Rahalahy Ruddell, manana ny tànanay ankavanany'ny fiombonana foana ianao. Fantatro Rahalahy Ruddell. Toy ny hoe—hoe zanako lahy manokana izy. Izaho sy ny dadany, ny reniny, dia efa nifankahafantatra hatramin'ny ela be. Ary fantattro fa mpanompon'Andriamanitra iray Rahalahy Ruddell. Nanompo niaraka taminy aho. Andriamanitra hitahy anao, Rahalahy Ruddell.

⁵¹ Iza no anarany? Iza ianao, rahalahy? [Hoy ny olona iray hoe, "Zaodahin-dRahalahy Martin."—Mpand.] Rahalahy Martin, fantatralo ve izy, Rahalahy Martin?

Iza no anaranao? [Hoy ilay rahalahy hoe, "Rev. McComas."—Mpand.] Rahalahy McComas. Ataoko fa tsy misy anankiray mahafantatra azy eto, fa izy dia ny . . . Eny, ity lehilahy eto ity no mahafantatra azy, Rahalahy Tyler. Ary tonga izy mba ho hahazo an'ireo tànanay hipetraka eo aminy, mba ho mpitondra iray ny Filazantsara izy. Rahalahy McComas, avy aiza ianao, Rahalahy McComas? ["Rockford, Illinois."] Rockford, Illinois. ["Niantso tany an-tranoko ianao, tamin'ny herinandro lasa, na ny Alatsinainy hariva, ary nivavaka ho an'ny vadiko."] Oh, marina ve izany? Avy any Tucson. ["Tucson, Arizona."] Oh, tsaroako ilay antso ankehitriny. ["Nitsangana izy ny ampitso maraina."] Deraina ny Tompo!

[Milaza zavatra amin-dRahalahy Branham i Rahalahy Martin—Mpand.] Ahoana hoe? ["Ny anabaviko farany indrindra."] Ny anabavinao. ["Eto izy ankehitriny. Nalemy izy."] Noho izany, eto izy ankehitriny, nivavahana, indray hariva, avy any Tucson, tamin'ny alalan'ny telefona. ["Nalemy."] Nale— . . . ["Nalemy izy, fa eto izy ankehitriny."] Nalemy izy, hariva vitsivitsy lasa izay, fa eto izy ankehitriny. Fantatr'i Rahalahy Martin izany, ry sakaiza. Tsy mahagaga raha te-hitondra ny Hafatra izy!

Ndao isika hametra-tànana eo amin'ny rahalahintsika.

⁵² Andriamanitra malala, mameetraka ny tànakao aho, miaraka amin'ireto hafa ireto, eo amin'ny Mpanomponao, ary manome azy ny tànanay ankavanany'ny fiombonana, mivavaka mba

ireo fitahian'Andriamanitra no...?...[Tsy afaka norenesina mazava ireo fanambaran-dRahalahy Branham—Mpand.]...?... izay Nanendrenao azy. Ny Fitahianaao anie ho eo aminy, ary tariho lèlana izy ka tariho, amin'ny Anaran'i Jesosy Kristy. Amena.

Ny tànana ankavanana ny fiombonana, ry rahalahiko, sy ireo anie homba anao. Homba anao anie Andriamanitra.

⁵³ [Misy olona iray manao hoe, “Rahalahy Branham?”—Mpand.] Eny, rahalahy? [“Mbola manana anankiray aho izay mila an’izao ihany koa.”] Eny àry, tompoko. Mino aho fa ity no...[“Rahalahy Darris.”] Rahalahy Darris. Izaho tsy...[“Mahafantatra an-dRahalahy Earl sy Rahalahy Brewer aho.”] Ity lehilahy ity no Rahalahy Darris. Avy aiza ianao, rahalahy? [“Black Rock, Arkansas.”] Black Rock, Arkansas. Rahalahy...[“Fantatro izy, rahalahy.”]...nahafantatra azy. Olon-kafa iray, mino aho, eto, no nilaza...Rahalahy Brewer. Mino aho fa efa nihaona tamin’izy ireo aho, aninkeo maraina. Ary—ary Ranabavy Vayle, neveriko, Rahalahy Vayle, sy izy ireo izay mahafantatra azy, ary mahafantatra azy ho lehilahin'Andriamanitra iray, mpanompon'Andriamanitra iray. Mahafinaritra!

⁵⁴ Eny, ankehitriny, ry rahalahy malalako, mba ho mpitondra ny Hafatra, dia tianay ho fantatrala fa hitsangana aorianao izahay, hanao ny zavatra rehetra izay vitanay. Hivavaka ho anao izahay, mba hitondranao ihany koa an’ity Hafatra ity any amin’ireo ampahany farany indrindra an’izay nanendren'Andriamanitra anao mba handehanana.

Ndao isika hametraka ny tànantsika eo amin'ny Rahalahintsika Darris.

Andriamanitra malala, mametraka ny tànanay eo amin'ny rahalahinay izahay, manome azy ny tànana ankavanana ny fiombonana, ary maniraka azy amin'ny Anaran'i Jesosy Kristy, mba Hanosoranao azy. Ary...?...manome azy ny tànana ankavanana ny fiombonana!...?...Ary Ny Fanahinao anie handeha hiaraka aminy, sy hitari-dàlana ary hitarika azy, amin'ny Anaran'i Jesosy Kristy. Amena.

Andriamanitra hitahy anao, rahalahy.

⁵⁵ Ankehitriny, mino aho, Rahalahy Anthony. Maro aminareo no mahafantatra an-dRahalahy Anthony. Efa niaraka tamintsika teto ela be izy. Mahafantatra azy ho mpanompon'i Kristy iray aho, ny tenako. Mino aho fa lehilahy tanora iray nanokan-tena izy. Tsy mbola nametrahan-tànana arapomba ofisialy mihitsy teo aminy. Tsy fantany hoe hisy izao, ry sakaiza. Hitanareo? Fa izao ankehitriny izao no tsara nohon’ny rehetra. Noho izany dia hametra-tànana eo amin-dRahalahy Anthony isika ka hanome azy fotsiny ny tànana ankavanana ny fiombonana. Andriamanitra no tsy maintsy manao ny fanendrena. Izao dia hamela azy fotsiny hahafantatra,

ary fantatrareo, hoe mino an'ity rahalahy ity isika sady tia azy, ary isan-tsika izy, ao amin'ny Hafatra. Koa tiantsika izy hahazo an'ireo fitahian'Andriamanitra, ary izany no angatahantsika ho eo aminy. Ndao isika hivavaka, raha mametraka ny tànantsika isika, rahalahy.

⁵⁶ Andriamanitra malala, ity mpanompo Italiana manetry tena kely ity, an'ireo Anao, Tompo, dia tonga izao hariva izao, mba ho-mba hametrahan-tànana eo aminy, ka ny tànana ankavanana'ny fiombonana dia atsotra aminy amin'ny fomba ofisialy, avy amin'ny fiangonana. Tompo, Ny Herinao lehibe anie haniraka an'ity tovolahy ity ho any amin'ny ampahan'ny tany sy ny fisamatsamahana izay Niantsoanao azy. Ary enga anie izy handeha ka hanafaka an'ireo olona amin'ny fahotana sy aretina, ary hanompo Anao, Tompo, amin'ny androm-piainany rehetra. Enga anie Ianao hitarika azy, hitari-dàlana azy. Enga anie ireo tso-dranonay homba azy, raha maniraka azy izahay, amin'ny Anaran'i Jesosy Kristy. Amena.

Andriamanitra hitahy anao.

⁵⁷ [Misy olona iray miresaka amin-dRahalahy Branham—Mpand.] Hah? Oh, tsy fantatro. Eo amin'ny fifandraisana an-telefona isika; dimampolo cents ny iray minitra. Nisy olona hafa ve eto izay mila . . .

Miakara eto ary lazao ny anaranareo, iza ianareo, rahalahy, eo amin'ny fanamafisam-peo *eto* ambony eto mihitsy. Teneno amin'izy ireo fotsiny. [Milaza ny anarany manokana ny rahalahy tsirairay, "Pat Tyler," "Claude Boggess," "Dale Potter," "...?... Henasey," "James Humes," "Earl Horner."—Mpand.] Izay ve izy ireo? [Hoy ny olona iray hoe, "Eny."] Ireo rahalahiko.

Ireto lehilahy ireto, mino an'ity Hafatra ity ho ny Fahamarinana avy amin'ny Tenin'Andriamanitra ve ianareo? [Hoy ireo rahalahy hoe, "Amena."—Mpand.] Mino an'izany amin'ny fonareo rehetra ve ianareo? ["Amena."] Eny àry. Fa maniry ianareo, ary mihevitra hoe raha mametraka-tànana eo aminareo izahay . . . Tianay ho fantatrareo fa miaraka aminareo izahay, ary hanao ny zavatra rehetra izay azonay hatao hanampiana anareo.

Ary ankehitriny tiako ianareo rahalahy, mba hahafahako mametraka-tànana eo amin'izy ireo ihany koa, hiakatra eto avy hatrany ankehitriny. Ary ndao isika rehetra hanondrika ny lohantsika, raha mametraka-tànana eo amin'izy ireo isika.

Andriamanitra malala, indro ny vondron-dehilahy iray. Mametraka ny tànako eo amin'ny tsirairay amin'izy ireo aho, amin'ny Anaran'i Jesosy Kristy, ilay Zanak'Andriamanitra. Ary enga anie Ianao, Izay niantso azy ireo ho mpitoriteny, mba hitorian'izy ireo an'Izany, Tompo, amin'ny androm-piainany rehetra. Ary . . . ? . . . history ny Filazantsara amin'ny olombelona rehetra. Manome azy ireo ny tànana ankavanana'ny

fiombonana izahay, ary mivavaka mba ireo Fitahianao anie homba azy ireo, Tompo, raha mitso-drano azy ireo izahay, mandefa ny tso-dranonay. Enga anie izany handeha any amin'ny fisamatsamahan'ny tany rehetra izay Niantsoanao azy ireo handehanana. Enga anie izy ireo hiasa sy hanompo Anao ao amin'ny fahaizana izay Niantsoanao azy ireo. Enga anie izy ireo hahery fo ary ho tena mpanompon'Andriamanitra. Ekeo izany, Tompo. Ary mangataka an'izany amin'ny Anaran'i Jesosy Kristy izahay.

⁵⁸ Andriamanitra hitahy anareo, tsirairay, rahalahy. Andriamanitra hitahy anao. Andriamanitra hitahy anao, rahalahy. Andriamanitra hitahy anao. Andriamanitra hitahy anao, Rahalahy Humes. Ny Tompo anie homba anareo, ny tsirairay avy.

Isaorana anie ilay tady izay mamatotra
Ny fontsika ao amin'ny fitiavana Kristiana;
Ilay fiombonan'ny firaisan-tsaina
Dia mitovy amin'ilay any Ambony.

⁵⁹ Tsy mahafinaritra ve Izy? Eritrereto fotsiny ankehitriny, hoe mpitoriteny firy no eto izao hariva izao mba hametrahan-tanana eo amin'izy ireo!

⁶⁰ Tsy fantatro hoe teo amin'ity fifandraisan'ny telefona ity isika. Raha hamela ahy ianareo any ivelany any ny amin'izany; tsy fantattro ilay izy. Hitanareo? Tsy fantattro mihitsy hoe hampita an'ity Hafatra kely ity izy ireo izao hariva izao. Fa isika dia...

⁶¹ Hamaky ny Teny isika ankehitriny ary hivavaka, ka hiditra avy hatrany ao amin'ity Hafatra ity izay tsapako fa nampitondrain'ny Fanahy Masina ahy ho anareo izao hariva izao.

⁶² Ary ankehitriny raha mbola mamadika isika ao amin'ny... ho an'ny lahateny, ho lazaiko izany afaka fotoana fohy. Ndao isika hamadika ao amin'ny Nomery, ny toko faha-22, andininy faha-31. Nomery 22:31, ho an'ny lahateny iray. Raha mbola mamadika ianareo, raha tianareo ny hamaky, dia vakio izany na mariho.

⁶³ Tiako ianareo rehetra hahatsiaro ahy ankehitriny, mandrapahitako anareo indray, manantena aho, indray andro amin'ity fahavaratra ity, raha sitrak y Tompo. Ary raha misy zavatra iray mitranga, tsy ahafahako handeha any ampitan-dranomasina, dia hiverina aho. Fa mino isika ankehitriny hoe, toy ny ahoana no niasan'izao rehetra izao, hoe ny Fanahy Masina no haniraka antsika ankehitriny eo amin'ny lalana iray izay Nofidian'ny Tenany hanirahana antsika. Ary izany no fomba tantsika hanaovana azy. Ny Tompo hitahy anareo!

⁶⁴ Ray, efa hamaky Ny Teninao izahay. Ianao anie hitahy an'Izany ary hanosotra an'Izany ho an'ny fahazoanay, mangataka amin'ny Anaran'i Jesosy Kristy izahay. Amena.

⁶⁵ Ny Bokin'ny Nomery, ny toko faha-22 ary ny andininy faha-31.

Ary nampahiratin'ny TOMPO ny mason'i Balama, ka nahita an'ilay Anjelin'ny TOMPO nitsangana teo amin'ny lèlana izy, ary ny sabany voatsoaka eny an-tànany: dia nanondrika ny lohany izy, ary lavo niankohoka tamin'ny tavany.

⁶⁶ Ankehitriny, eo am-pamakiana an'io, mba hanorenana tsoa-kevitra iray manodidina an'izany, dia tiako ny handray ny lohahevitra hoe: *Mba Manova Ny Heviny Mikasika Ny Teniny Ve Andriamanitra?*

⁶⁷ Tena lahateny iray izany, ary izany no Fahamarinana lehibe iray izay tokony ho azontsika. Afaka milaza zavatra iray ve Andriamanitra nefá avy eo dia hanao hoe, "Miala tsiny Aho tamin'ny Nilazako an'izany"? Afaka misintoná Ny Teniny ve Andriamanitra, rehefa avy Nolazainy Izany?

⁶⁸ Ankehitriny, ao amin'ity filazana eto ity, ny antony nifidianako an'ity filazana ity, dia satria izany no iray amin'ireo filazan'ny Baiboly hoe ny mpamaky iray, izay miezaka ny hahita, na miezaka hilaza fa manova ny Heviny Andriamanitra; ity dia toy ny hoe mbola nanova ny Heviny Izy mihoatra lavitra nohon'ny toerana rehetra ao amin'ny Baiboly, izay fantatro, satria niteny zavatra anankiray tamin'i Balama Izy nefá niteny hafa iray taminy avy eo. Ary ankehitriny, olona maro no niezaka nanao an'i Balama fotsiny ho, oh, ho mpanao hatsarana iray na tahaka an'izany. Fa tsy mpanao hatsarana iray i Balama. Mpaminanin'ny Tompo anankiray izy.

⁶⁹ Ankehitriny, hanao sarisarin'ny Hafatra kely isika, aloha. Tao amin'ny diany ny Isiraely avy tany Pales-...nandeha nankany Palestina, avy tany Egypta. Ary nomba azy ireo ny Tompo, ary izy ireo dia...Ny fahavalô rehetra izay nitsangana teo anatrehan'ny Isiraely dia voaendaka tamin'ny lèlana, satria nilaza Andriamanitra fa handefa fanenitra eo anoloan'izy ireo Izy ary handroaka ny fahavalô, raha mbola nandeha tao amin'ny fankatoavana ny Didiny foana izy ireo. Tsy goavana be mihitsy ilay asa. Ireo Amalekita, ireo olom-be tamin'ilay andro, dia tsy nidika na inona na inona tamin'ny Isiraely. Na lehilahy kely ara-batana aza izy ireo, dia nandeha tamin'ny HOY NY TOMPO HOE. Noho izany tsy namparinoná na inona na inona ilay fanoherana, fa hitan'Andriamanitra hoe tsy diso tamin'ny Isiraely mihitsy Ny Tenin'ny fampanantenany.

⁷⁰ Ary Isiraely an'ny Testamenta Taloha dia tandindon'ny Ampakarina an'ny Testamenta Vaovao, mivoaka avy ao

amin'ny—izao tontolo izao, mandeha eo amin'ny lâlana mankany Kanana, na ilay Kanana izay andehanantsika, ny Arivo taona.

⁷¹ Ankehitriny, ankehitriny, mahamarika isika fa Moaba eto no tandindon'ny fiangonana. Fa Moaba... Vao avy nandripaka an'ireo mpanjaka sasany izy ireo ary nampitsoaka an'ilay fahavalo, namono ny zavatra rehetra, naka an'ilay tany, dia nandroso teo akaikin'i Moaba. Ankehitriny, tsy firenena mpanompo sampy velively i Moaba. Firenena iray izay nanompo an'ilay Andriamanitra iray ihany izay notompoin'ny Isiraelly i Moaba. Ary ny tanin'i Moaba dia nanomboka tany amboalohany tamin'ny zanak'i Lota, tamin'ny alâlan'ny zananivavy manokana. Ary izy, amin'ny maha-mpanorina an'io firenena io, dia nandamina an'ireo fankalazany sy ny sisa, sady nanao firenena lehibe iray avy tamin'izany, ka nihamaro izy ireo ary nanohy.

⁷² Ary, ankehitriny, avy amin'ny taranak'i Abrahama ny Isiraelly, fa tsy avy amin'i Lota. Isiraelly dia nivoaka avy tamin'i Isaka, Jakoba. Ary Isiraelly dia nivoaka avy tao amin'ireo foko roa ambin'ny folo avy tamin'i Jakoba, izay nantsoina taty aorianae hoe "Isiraelly," satria nitolona tamin'ny Tompo izy. Ary Moaba eto...

⁷³ Ankehitriny, ao amin'ity, ary ianareo olona any ivelany ao amin'ny—eo amin'ireo telefona, dia tiako ny hilaza aloha fa izaho—izaho dia tsy maniry ny ho mpitsikera, ary manantena fa tsy izany aho. Saingy, ny Hafatra izay nomena ahy, dia tsy maintsy mahatoky amin'izany Hafatra izany aho, raha tsy izany dia ho mpihatsaravelatsihy iray aho. Hitanareo? Izaho—izaho dia tsy afaka hilaza mihoatra an'izay nanirahana ahy ho lazaina.

Ary izaho—izaho dia mihevitra fa ireo fiangonana voarafitra no fahavalo lehibe an'ny fikambanana Kristiana amin'izao andro izao. Tena mino amin'ny foko rehetra aho fa haka endrika ao amin'ilay mariky ny bibidia izany amin'ny farany, izay azoko, heveriko fa afaka manaporofo an'izany amin'ny alâlan'ny Baiboly miaraka amin'ny fanampian'Andriamanitra aho. Efa nataoko izany. Fa, haka endrika ao amin'ilay mariky ny bibidia izy, ao amin'ny fiombonamben'ny fiangonana. Satria, tsy mba nahafantatra mihitsy Andriamanitra, tamin'ny fotoana rehetra, fiangonana iray voatendry, fiangonana voarafitra, tsy mihitsy. Tsy nanao an'izany mihitsy Izy.

Ary isaky ny manao rafi-pandaminana iray io olona io, dia miala amin'izany ny Fanahin'Andriamanitra ary tsy niverina intsony indray. Anontanio ny mpahay tantara rehetra, na mety ho efa mpamaky iray ny tenanareo. Tsy mihitsy! Rehefa nandrafitra izy ireo, dia nametraka azy teo amin'ny talantalana Andriamanitra, ary teo amin'izany no nandehanany; nijanona izy, nanomboka teo. Nitombo ara-mambra izy ireo, saingy tsy nisy famohazan'ny Fanahy mihitsy; tsy mihitsy, intsony.

⁷⁴ Moaba, eto, no tandindon'ny tahaka an'izany, satria izy ireo dia—dia firenena voarafitra iray; tao amin'ny taniny manokana, tahaka ny tao amin'ny anaram-piagonany. Ary nanana ny fivavahany manokana izy ireo tany, ary ny fivavahany dia ilay fivavahana iray ihany izay nananan'ny Isiraely. Moabita izy ireo ary nino an'i Jehovah Andriamanitra, saingy vondron'olona iray voarafitra izy ireo.

⁷⁵ Ary, ankehitriny, tahaka ny anehoan'izy ireo an'ilay fiangonana ara-nofo, no anehoan'ny Isiraely an'ilay fiangonana ara-panahy tao amin'ny diany. Ankehitriny, tsy firenena iray voarafitra ny Isiraely. Raha mbola nanaraka an'Andriamanitra foana izy ireo, dia nahaleotena. Tonga izy ireo, mpivahiny, tsy nisy toerana handehanana. Na taiza na taiza nandehanan'ilay Andry Afo, dia nandeha niaraka tamin'Izany izy ireo. Tsy firenena anankiray voarafitra izy ireo. Nanana fandaminana iray izy ireo teo anivony, satria ny famorana no nanome azy ireo an'izany teo ambanin'ny didin'Andriamanitra, saingy tsy firenena anankiray voarafitra mihitsy izy ireo tamin'io fotoana io. Rehefa lasa firenena iray voarafitra izy ireo tamin'ny farany, dia teo no nahalavo azy ireo sy nandavany ny Mesiany.

⁷⁶ Ary mahita isika ankehitriny, isan'andro, fa rehefa ireo ara-nofo sy ara-panahy ireo, ireo fanahin'ny fiangonana sy rafipandaminana, no mihaona, dia misy fifandonana iray foana. Tsy mety diso ny ho izany mihitsy ilay izy. Mifandonana foana izany. Satria, hitantsika fa misy fialonana iray ao anatiny. Ary eo, ao amin'io fialonana io, dia izany no miteraka an'ireo fampitahana ara-nofo, fakan-tahaka. Ary hitantsika ao izany amin'izao andro izao, tahaka ny naha-izy azy tamin'izany. Rehefa manao zavatra anankiray ho an'ny isam-batan'olona Andriamanitra, dia miezaka mangala-tahaka fotsiny tahaka ny nataon'Andriamanitra ho an'io olona io ny olona rehetra. Hitanareo, miteraka fifaninanana iray izany, ary manao fitondran-tena ara-nofo. Ary amin'izay fotoana izay izy ireo raha tsy afaka, ilay lafiny hafa, mahazo an'ireo vokany ara-panahy, amin'izay fotoana izay dia alainy amin'ny alàlan'ny fahefana ara-politika izany, na manao zavatra iray solony izy ireo, mba hanakorontana ny sain'ny olona, mba hitondra mpianatra aorian'ny tenan'izy ireo.

⁷⁷ Izany marina tokoa no niseho tamin'ilay tena voalohany; tahaka an'i Kaina sy Abela, ireo tovolahy roa teto an-tany. Ary rehefa nanolotra ho an'Andriamanitra fanatitra tsara kokoa nohon'ny an'i Kaina i Abela, ka nanamarina an'i Abela Andriamanitra, tamin'ny alàlan'ny fidinana ka nandray ny fanatiny; dia niteraka fialonana tamin'i Kaina izany, satria nialona ny rahalahiny izy, ary namono ny rahalahiny.

⁷⁸ Nanomboka tany amin'ny voalohany izany, dia rehefa ilay ara-nofo sy ilay ara-panahy, kanefa nanompo an'ilay Andriamanitra iray ihany i Kaina sy Abela. Samy nanorina

an'ilay karazana alitara iray ihany izy roa. Ary nanompo an'ilay Andriamanitra iray ihany izy roa, tao amin'ilay fiangonana iray ihany, alitara iray ihany. Fa i Kaina, tamin'ny alàlan'ny fiheverana ara-nofo, dia nitondra an'ireo voankazon'ny tany ary nametraka azy ireo teo ambonin'ny alitara ho fanatitra iray, nihevitra hoe azo antoka fa io no hamaliana an'Andriamanitra ho an'ny fanaovam-panavotana iray. Noho izany dia tsy maintsy nitondra an'izany izy, tahaka ny heverin'ny olona amin'izao andro izao hoe, "ireo paoma izay nalain'i Adama sy Eva, no niteraka ny fahotana." Fa, na inona na inona, dia heveriko ankehitriny fa lazain'zy ireo ho "ampogabendanitra" iray izany na zavatra anankiray ankehitriny. Nilaza ny sasany tamin'zy ireo, vao tsy ela akory izay, fa zavatra hafa ilay izy.

⁷⁹ Ary, fa i Abela no nanana an'ilay fanatitra marina. Fantany fa rà no nahavita an'izany, noho izany dia nitondra zanak'ondry iray izy. Ary rehefa nandray ny azy Andriamanitra, ankehitriny, Abela, tamin'ny finoana, tamin'ny fanambarana, tsy nisy fomba hafa. Tsy nisy Baiboly voasoratra teo. Noho izany, hitanareo, ny fiandohan'ny fahamarinana dia ny Fahamarinan'Andriamanitra voambara, ary miorina eo ambonin'izany ny Fianganon'Andriamanitra velona manontolo.

⁸⁰ Jesosy, indray andro, niala avy teny an-tendrombohitra, dia niteny tamin'ireo Mpianany hoe, "Lazain'ny olona ho iza moa Aho ilay Zanak'olona?"

"Ny iray milaza fa Ianao no 'Mosesy' ary ny iray hafa milaza fa Ianao no 'Elias' ary Ianao no 'Jeremia, na ny anankiray amin'ireo mpaminany."

Hoy Izy hoe, "Fa ataonareo ho iza kosa Aho?"

⁸¹ Teo ilay apostoly Petera, voatsindrimandrin'Andriamanitra, novelomin'ny Fanahy, no nanao an'ilay filazana goavana hoe, "Ianao no Kristy, ilay Zanak'Andriamanitra velona."

⁸² Mariho ilay filazana. "Sambatra ianao, ry Simona, zanak'i Jonasy, fa tsy ny nofo aman-drà no nanambara an'izany taminao. Ny Raiko any An-danitra no nanambara an'izany taminao. Ianao no Simona. Eo ambonin'ity vatolampy ity . . ."

Vatolampy inona? Ankehitriny, hoy ny Katolika hoe, "Eo ambonin'i Petera, ilay vatolampy, vato kely." Ary hoy ny Protestanta hoe, "Eo ambonin'i Kristy, ilay Vatolampy."

Tsy te-ho hafa; fa teo ambonin'ny fanambarana izay nananan'i Petera izany hoe, Iza Izy. "Tsy misy olona afaka hanatona Ahy," hoy Jesosy, "raha tsy Ny Raiko no mitarika azy. Ary izay rehetra nomen'ny Ray Ahy no hanatona Ahy."

"Ianao no Kristy, ilay Zanak'Andriamanitra velona."

⁸³ "Sambatra ianao, ry Simona, zanak'i Jonasy; fa tsy ny nofo aman-drà no nanambara an'izany taminao, fa Ny Raiko izay any An-danitra. Eo ambonin'ity vatolampy ity no Hanorenako

Ny Fiagonako, ary ireo vavahadin'ny helo tsy haharesy azy." Tenin'Andriamanitra voambara ara-panahy!

⁸⁴ Mariho, Abela, tamin'ny finoana an'Andriamanitra, dia nanolotra fanatitra tsara kokoa. Ary nihevitra ilay mpino aranofo fa ireo asan'ny tānany manokana izany, ka, ary ireo voankazo sy ny fanatiny tsara tarehy izay nentiny, no ho eken'Andriamanitra, ary nanao fifandonana iray izany.

Hitantsika fa tsy maintsy nifandonana i Abrahama sy Lota.

⁸⁵ Hitantsika fa i Mosesy sy—sy Datana, Kora, dia nanana an'ilay fifandonana iray ihany.

Mosesy, tamin'ny naха-mpaminany iray voatendry niaraka tamin'ny Tenin'ny Tompo, dia nanamarina fa izy no voafidy ho mpitarika azy ireo ho an'ilay ora, sy hoe i Abrahama no nampanantena an'ireo zavatra rehetra ireo, ary indro i Mosesy fa nanao marina an'izay nolazain'Andriamanitra fa hisy, hiseho.

Ary Kora, tamin'ny naха-ara-nofo, dia te-hanangana rafi-pandaminana iray teo anivon'izy ireo. Te-hanao vondrom-dehilahy iray izy. Fa tsy mifanaraka amin'ny olona tahaka an'izany Andriamanitra. Izany no maneho mihitsy teo, ao amin'ity Soratra ity, tandindona iray an'ilay dia amin'izao andro izao, fa tsy rafi-pandaminana no tendren'Andriamanitra. Satria, vantany vao nanao an'izany i Kora, hoy izy tamin'i Mosesy hoe, "Maka be loatra ho an'ny tenanao ianao." Amin'ny teny hafa, "Masina ny fiagonana manontolo! Nahoana, ianao dia milaza fa ianao irery no lehilahy masina. Tsy manana zò hanao zavatra tahaka an'izany ianao. Miezaka manao ny tenanao ho olona iray goavana ianao. Masina isika rehetra. Zanak'Andriamanitra isika rehetra."

⁸⁶ Dia nanodina ny lohany fotsiny i Mosesy ary niala lavitra. Hoy izy hoe, "Tompo, inona no hataoko?"

⁸⁷ Hoy Andriamanitra hoe, "Saraho aminy ny tenanao. Efa leo an'izany Aho." Ary Nateliny tao anatin'ny tany izy.

⁸⁸ Hitanareo, nisy fifandonana iray. Rehefa mihaona ilay aranofo sy ilay ara-panahy, dia misy fifandonana iray foana. Rehefa nihaona i Jodasy sy Jesosy, dia nisy fifandonana iray; ny Anankiray, ny Zanak'Andriamanitra; ilay anankiray hafa, ny zanak'i Satana. Tahaka an'i Kaina sy Abela mihitsy, nisy fifandonana iray rehefa nihaona izy ireo. Ny iray tamin'izy ireo dia mpitahiry volan'ny fiagonana, ary ilay Anankiray hafa dia pasitera. Ary tahaka ny ankehitriny, tonga ao amin'izao andro izao isika, eo amin'ilay zavatra iray ihany indray. Ilay anaram-piangonana ara-nofo eo amin'ny Ampakarin'i Kristy ara-panahy. Tena samihafa betsaka amin'ireo rafi-pandaminana ara-nofo ilay Ampakarin'i Kristy ara-panahy, hany ka tsy misy fampitahana mihitsy ao amin'izy ireo.

⁸⁹ Mariho ankehitriny, miezaka foana hanahaka an'ilay arapanahy ny ara-nofo. Saingy, tahaka ny tao amin'i Jakoba sy Esao, tsy hety izany. Tsy ho mety izany. Ankehitriny, rehefa tonga eo amin'ny fanaovana asa soa ilay izy, izaho—izaho dia mino fa lehilahy tsara kokoa noho i Jakoba tokoa i Esao, teo imason'ny olona. Niezaka nikarakara ny dadany izy; jamba izy, mpaminany iray. Ary ireo zavatra rehetra izay noe Zahany natao, kanefa tsy nihevitra an'izany ho asa ara-nofo mihitsy i Esao. Nihevitra izy fa afaka miditra amin'ny alàlan'izay nataony, nanao zavatra tsara ho an'ny olona iray, izay mety tsara. Fa i Jakoba, ny fanahiny manontolo dia ny hahazo an'io fizokiana io, ary izany no neken'Andriamanitra ho ara-panahy tao aminy.

⁹⁰ Mariho, ary izany foana no manao an'ilay ara-nofo hankahala an'ilay ara-panahy. Izany no nanao an'i Kaina hankahala an'i Abela. Izany no nanao an'i Kora hankahala an'i Mosesy. Izany no nanao an'i Jodasy hankahala an'i Jesosy. Ary mandeha mitohy sy mitohy izany. Izany no manao an'ilay ara-nofo hankahala an'ilay ara-panahy, tahaka an'i Kaina tany amin'ny voalohany nankahala an'i Abela, ilay anankiray izay nandraisan'Andriamanitra ny fanatitra, ary miezaka ny mandrava azy ireo.

Miezaka mandrava an'ilay fitaomana mihitsy aza izy ireo. Miezaka mandrava ny zavatra rehetra izy ireo, satria tsy misy afa-tsy fialonana izany. Nanomboka tamin'i Kaina izany ary nanaporofa fa fialonana ilay izy, ary mbola ilay zavatra iray ihany izany amin'izao andro izao rehefa ilay ara-boajanahary (ilay ara-nofo) sy ilay ara-panahy no miaraka mihaona. Izany no manaporofa fa Satana izany, tsy misy fomba hafa, satria avy amin'i Satana ny fialonana. Ary avy eo dia manao fakan-tahaka iray an'ny Fahamarinana izy, olona iray miezaka ny haka tahaka zavatra izay tsy misy, tsy voatendry hanao an'izany izy ireo. Firy amin'izany no efa hitantsika amin'izao andro farany izao! Oh, oadray, firy amin'izany!

⁹¹ Noho izany hitantsika fa Andriamanitra dia manao mih-... tsy manova ny Heviny mihitsy mikasika Ny Teniny tany ampiandohana. Fa, izay Antsoiny, dia izany no Tendreny. Tsy misy olon-kafa afaka maka an'izany toerana izany. Tsy nisy olona afaka naka ny toeran'i Mosesy. Tsy nampaninona na Kora firy no nitsangana, ary na Datana firy; fa i Mosesy, no nantsoin'Andriamanitra, tsy mampaninona.

⁹² Fa, ary rehefa tsy handeha ao amin'ny Sitrapony tanteraka ny olona, dia manana sitrapo navela iray tokoa Izy izay Hamelany anareo handeha. Mariho, mamela an'izany Izy, eny àry, saingy hanao an'izany hiasa ho an'ny Voninahiny Izy, ao amin'ny Sitrapony tanteraka. Ankehitriny raha ho tianareo...

⁹³ Mitovy fotsiny, tany amin'ny voalohany, dia tsy sitrapon'Andriamanitra tanteraka ny hahaterahan'ny zanaka

teto an-tany tamin'ny alàlan'ny taovam-pananahana. Tsia, tompokeo. Namorona ny olona avy tamin'ny vovon-tany Andriamanitra, nitsoka fofon'aina tao aminy, ary lasa olombelona iray izy. Naka mpanampy iray avy tao amin'io lehilahy io Izzy, ary nanao vady iray ho azy. Izany no sitrapon'Andriamanitra voalohany sy tany am-piandohana. Fa rehefa niditra ny fahotana ka nanao an'ilay zavatra izay nataony, tamin'izay fotoana izay dia Navelany hanambady vady iray ny lehilahy, ara-dalàna, ary nahazo zanaka tamin'ny alàlany. "Mihabetsaha ary mamehoa ny tany, amin'izay fotoana izay, raha tahaka an'izany no hanaovanareo azy." Saingy, hitanareo, tsy izany mihitsy no Sitrapony tanteraka.

⁹⁴ Noho izany, ireo zavatra rehetra izay nanana fiandohana ireo dia tsy maintsy hanana fiafarana. Tsy maintsy ho tonga amin'ny fandringanana ny fahotana rehetra. Tsy maintsy foanana ny fahotana rehetra. Noho izany, ao amin'ilay Arivo taona lehibe rehefa tonga ny fitsanganana, dia tsy mila hateraka indray amin'ny alàlan'ny raintsika sy renintsika isika, fa Andriamanitra tahaka ny Nataony tany amin'ny voalohany no hiantso ny olona avy amin'ny vovon-tany, ary ny mpanampiny miaraka aminy. Marina izany. Tahaka an'izany no Nataony tany amin'ny voalohany.

⁹⁵ Koa noho izany, tsy manova ny Heviny mikasika ny zavatra rehetra mihitsy Andriamanitra, fa hamela anareo hanohy Izzy. Ankehitriny, lèlana lava iray ity mba hahatongavana eo amin'izay tiako holazaina eto mikasika an'ity. Fa, ary, fa, izany dia, ianareo dia... Tiako ianareo hahazo an'ilay izy. Hitanareo? Hamela anareo hanao zavatra iray Andriamanitra, ary hitahy anareo mihitsy aza amin'ny fanaovana an'ilay izy, saingy mbola tsy Sitrapony tanteraka foana izany.

⁹⁶ Namela ny Isiraelly handray lèlana iray Andriamanitra, ao amin'ny Eksodosy ny toko faha-19. Nefa efa nanome azy ireo mpaminany anankiray ny fahasoavana, Andry Afo, zanak'ondry fanatitra iray, hery manafaka iray, saingy nangataka Lalàna iray izy ireo. Tsy izany no sitrapon'Andriamanitra, saingy nampidirina ilay izy satria nila an'izany ny olona. Ary voaozona tamin'ilay tena lèlana izay nilainy izy.

⁹⁷ Ny mahazo ny sitrapon'Andriamanitra no tsara indrindra. Izany no Nampianariny antsika. "Hatao anie ny Sitraponao. Ho tonga anie Ny Fanjakanao. Hatao anie ny Sitraponao." Tsy maintsy manolotra ny tenantsika eo amin'ny Sitrapony sy Ny Teniny isika. Aza mametra-panontaniana amin'Izany. Inoy Izany. Aza miezaka ny hahita lèlana iray mihodina amin'Izany. Raiso fotsiny araka ny maha-izy Azy Izany.

Tena maro no te-handeha hihodina, maka lèlana hafa iray. Ary rehefa maka ianareo, dia mahita ny tenanareo manohy, mahita an'Andriamanitra mitahy anareo ianareo, saingy miasa

ao amin'ny Sitrapony navela fa tsy ao amin'ny Sitrapony tanteraka, Masina.

⁹⁸ Mamela an'izany Izy, araka ny nolazaiko, saingy Izy dia tsy—Izy dia tsy hamela an'izany ho Sitrapony tanteraka; fa hanao an'izany hiasa Izy mba hanaja sy hitahy ny Sitrapony tanteraka. Ary ny fananan'anaka, amin'ny alàlan'ny taovam-pananahana, no anankiray amin'izany.

⁹⁹ Mariho ankehitriny, Moaba, eo am-panombohana, dia firenena tsy ara-dalàna iray. Nanomboka izany, tsy ara-dalàna, kanefa tamin'ny alàlan'ny—ny ray mpino anankiray sy zanakavavy mpino iray.

Marina mihitsy, raha hanao tandindona an'izany ianareo ka hampiasa hevitra ara-panahy iray, dia afaka mahita an'io anaram-piagonana mitsangana eo io ianareo tena mazava tahaka ny zavatra rehetra. Azo antoka. Hitanareo, diso daholo ilay zavatra manontolo. Ary, jereo, rehefa nentina ilay izy, nanomboka tahaka an'izany, dia tsy afaka mihitsy... Mitohy ilay izy, tahaka ny vongana oram-panala, manohy mangorona hatrany sy hatrany ary hatrany. Alaivo ny fahadisoana anankiray, ary manomboha amin'io fahadisoana anankiray io, dia hanohy hangorona zavatra anankiray aorian'ny iray hafa fotsiny ianareo, ary zavatra anankiray mitovy amin'ilay iray hafa, ny rehetra aorian'ny iray hafa.

¹⁰⁰ Ary tahaka an'izany no nanombohan'ny fiagonana. Tahaka an'izany no nanombohany tao Nise, Roma, rehefa ilay fiagonana Katolika Romana... Tamin'ilay tena voalohany mihitsy, izay nihaviany, dia ny Pentekosta. Fa rehefa nandrafitra izy ireo ka nampiditra ny fankalazana, tao amin'ny fiagonana, dia nanomboka nanao izy ireo, nanao vavaka tsianjery, ary manisa sapile, sy—sy mivavaka ho an'ny maty, ary ireo zavatra hafa rehetra ireo. Ary nanomboka nangorona fotsiny izany tamin'izay fotoana izay, avy amin'ny fahadisoana anankiray mankany amin'ny iray hafa, fahadisoana anankiray mankany amin'ny iray hafa, hany ka jereo izay nandehanany. Tsy misy fanehoana anankiray an'ny pentekosta ao anatiny, mihitsy. Hitanareo? Fahadisoana anankiray maka iray hafa izany, maka iray hafa. Zavatra anankiray ihany no hatao, izany dia, mamafa ny zava-bitia ary miverina any amin'ny voalohany.

¹⁰¹ Nefa, nanomboka tamin'ny fanamarinana i Martin Luther. Tokony nandroso lavidavitra kokoa izany, ny fiagonana Loterana. Hitanareo? Raha... Luther, rehefa nandrafitra izy, dia tsy afaka nandray ny fanamasinan'i Wesley, satria voarafitra izy; ary tsy nahatanty an'izany ny olona, noho izany dia nivoaka avy tao aminy ny Fanahy.

¹⁰² Ankehitriny, ny vondron'i Lota eto; na, i Moaba dia zanaky ny zanakavavin'i Lota, tsy ara-dalàna eo am-panombohana.

Mariho ankehitriny, amin'ny maha-fiangonana ara-nofo, Moaba, dia maneho an'ilay anaram-piangonana ara-nofo.

Isiraelly no maneho an'ilay Fiagonana ara-panahy. Isiraelly, nisy ny fiagonana iray marina, dia ny ampakarina an'izany andro izany, nantsoina hivoaka avy tao Egypta, ary nohamarinina ho ny fahamarinana.

¹⁰³ Mariho rehefa izy ireo, ireo roa ireo no niaraka nihaona. Samy nanolotra an'ilay fanatitra iray ihany izy roa ireo, samy nanorina izy roa, nahita alitara fito, samy nanolotra fanatitra madio izy roa, omby. Ary nanolotra ondrilahy mihitsy aza izy ireo, manambara fa ho avy ny Mesia iray. Ara-pototra, dia nitovy marina tokoa izy roa. Isiraelly, eto ambany ao amin'ilay lohasaha; Moaba, eo ambony eo amin'ilay havoana. Ary Moaba niaraka tamin'ny alitara fito; Isiraelly niaraka tamin'ny alitara fito. Moaba niaraka tamin'ny omby fito; Isiraelly niaraka tamin'ny omby fito. Moaba niaraka tamin'ny ondrilahy fito, miresaka ny amin'ny fihavian'ny Mesia; Isiraelly niaraka tamin'ny ondrilahy fito.

Inona no fahasamihafana teo amin'izy ireo? Ara-pototra, samy marina izy roa. Saingy, hitanareo, tsy nanana an'ilay fanamarinana i Moaba hoe niaraka tamin'izy ireo Andriamanitra; firenena iray fotsiny izy ireo, vondron'ny fankalazana anankiray. Fa Isiraelly dia nanana mpaminany iray niaraka tamin'izy ireo. Nanana Vatomampy nokapohina iray izy ireo niaraka taminy. Nanana Andry Afo iray izy ireo. Nanana menarana varahina iray izy ireo, ho an'ny fanasitranana. Nanana ny fitahian'Andriamanitra izy ireo nandeha niaraka taminy mihitsy, ary zanak'Andriamanitra nantsoina hivoaka izy ireo.

¹⁰⁴ Ankehitriny dia mahita an'izany tena manao tandindoma tanteraka isika eto ao amin'ireo fiagonana an'izao andro izao. Fa, tsy tahaka an'izany i Moaba. Mpivahiny iray ny Isiraelly, nitety toerana; na taiza na taiza nandehanan'io Andry Afo io, dia nandeha niaraka tamin'Izany izy ireo. Moaba, tsy tahaka an'izany; nilamina tsara tao amin'ny anaram-piangonany manokana izy ireo, tao amin'ny fireneny manokana. Tsy nihetsika izy ireo, nijanona tsara teo. Nanana an'ireo fankalazany izy ireo. Nanendry an'ireo zavatra araka ny tokony hataony izy ireo, ary nanana an'ireo miaramilany, nanana an'ireo mpiadiny izy ireo, nanana ny mpanjakany izay nananany, izay andraisany ny baikony, sy ny sisa.

¹⁰⁵ Fa nahita ny Isiraelly niaraka tamin'ny zavatra iray izay tsy nananany i Moaba. Nahita hery mahery iray teo anivon'ny Isiraelly izy ireo, ary mpaminany iray izany. Ary Mosesy io mpaminany io. Fa fantany hoe rehefa ratsy ilay ady, dia nanangana ny tänany fotsiny izy ireo ary nihazona azy ireo nitsangana teo, dia niova ilay ady. Noho izany dia tsy nanana ny

tahaka an'izany izy ireo, noho izany niezaka izy ireo ny hiatrika an'izany tamin'ny politika, niaraka tamin'ny fisintonana ara-politika. Naniraka nankany amin'ny faritra hafa izy ireo ka nanakarama mpaminany iray mba ho tonga, mba ahafahany hanana mpaminany iray, sy hanana hery eo anivony tahaka ny nananan'ny Isiraely teo anivony mihitsy.

¹⁰⁶ Hitanareo ve ilay fampitahana ara-nofo? Afaka mahita an'ilay fiangonana ara-nofon'izao andro izao ve ianareo? Nanao an'ilay tena zavatra iray ihany izy.

¹⁰⁷ Mariho, ankehitriny, samy hanana mpaminany izy roa. Ny fahasamihafana tokana dia, Mosesy, ilay mpaminanin'Andriamanitra, dia Andriamanitra no Mpanjakany. Tany no nandraisany ny baikony, ny Tenin'ny Tompo. Ary Balama, izy koa, dia nanana mpanjaka iray, ary Balaka izany mpanjaka izany, ilay mpanjakan'i Moaba, ary tany no nandraisany ny baikony sy ny fitahiany. Noho izany hoy i Moaba tamin'i Balaka hoe, "Avia aty," na Balama, nanao hoe, "avia aty ka ozony ho ahy ity vahoaka ity, fa mamenno ny tavan'ny tany manontolo izy ireo. Tonga fotsiny izy ireo ary manongotra ny zavatra rehetra tahaka ny anongotan'ny omby ny ahitra." Hoy izy, "Avia aty ankehitriny. Ary azoko fa afaka manozona ianao, afaka mitahy, na inona na inona ataonao dia ekena."

¹⁰⁸ Ankehitriny, te-hanamarika isika fa mpaminany iray voatendrin'Andriamanitra ity lehilahy ity, saingy nivarotra ny fizokiany ho an'ireo antony ara-politika izy. Tahaka ny nataon'ny fiangonana amin'izao andro izao mihitsy, tahaka an'i Luther, Wesley, Pentekosta, sy ny vondron'izy ireo manontolo, nivarotra an'izany ho an'ireo fanintonana tao amin'ny rafi-pandaminany. Mosesy, teo ambanin'Andriamanitra; Balama, teo ambanin'i Balaka. Kanefa, samy lehilahy nantsoin'Andriamanitra ireo mpaminany roa ireo, ary izy roa samy ara-panahy. Mariho ilay fahasamihafana. Samy nanana loha iray ny tsirairay; ny an'i Mosesy dia Andriamanitra; ny an'i Balama dia Balaka.

¹⁰⁹ Mariho eto hoe ahoana no ampiharana an'ilay ara-panahy, mba hanaporofoina fa diso ilay ara-nofo. Mosesy, nirahin'Andriamanitra, tao amin'ny laharan'andraikitra, dia nihaona ary nohaiken'ny mpaminanin'Andriamanitra hafa iray. Azonareo eritreretina ve izany! Mosesy, nantsoin'Andriamanitra, notendren'Andriamanitra, nitsangana teo amin'ny andraikitr'Andriamanitra; niditra teo amin'io vondrona mangatsiaka, mpanara-pototra io, ary nohaiken'ny mpaminanin'Andriamanitra hafa anankiray, izay voatso-drano sy notendren'Andriamanitra. Ahoana no hitenenanareo an'ilay fahasamihafana? Samy nanana mpaminany izy roa ireo. Niteny tamin'ireo mpaminany roa ireo Andriamanitra.

¹¹⁰ Ny sasany tamin'izy ireo nanao hoe, "Hoy Andriamanitra hoe, 'Ataovy ity.' Hoy Andriamanitra hoe, 'Ataovy itsy.'" Ankehitriny, tsy mameatra-panontaniana amin'izany aho, fa any ivelan'ny laharan'ny Tenin'Andriamanitra izany. Ilay mpaminany, tsy mampaninona na mpaminany iray aza izy, any ivelan'ilay laharana izy. Maro be ireo olona lasa voafitaka tahaka an'izany. "Oh, *ity rahalahy ity afaka manao an'ity, ary ity rahalahy ity afaka manao an'itsy,*" nefà mandà ny Teny ve?

¹¹¹ "Na miteny amin'ny fitenin'olona sy ny anjely aza aho, na manana fanomezam-pahasoavana aza aho, ka afaka mamindra tendrombohitra, na omeko daholo aza ireo fananako hamelomako ny mahantre, dia mbola tsinontsinona aho."

"Maro no hanatona Ahy amin'izany andro izany, ka hanao hoe, 'Tompo, Tompo, tsy efa naminany tamin'Ny Anaranao ve aho? Tsy efa, tamin'Ny Anaranao ve, no nandroahako devoly sy nanaovako asa lehibe?' Dia hilaza amin'izy ireo Aho hoe, 'Mialà, ianareo... Mialà Amiko, ianareo mpanao meloka. Tsy nahafantatra anareo mihitsy Aho.'" Kanefa, tonga miaraka amin'ny fiaikena iray izy ireo fa nanao an'izany, nefà hoy Jesosy hoe, "Mpanao meloka izy ireo." Inona no heloka? Izany dia zavatra iray izay fantatrareo fa tokony hataonareo, izay tsara hatao, kanefa tsy ataonareo. Hitanareo ve hoe inona no hisy amin'ny andro farany?

¹¹² Henoy ilay laharana manontolo! Izany no tanjoko izao hariva izao. Nilaza aho fa hivoaka amin'ny sivy ora, saingy hihotra kely fotsiny aho, angamba. Jereo, izany no tanjoko manontolo, ny haneho aminareo an'io laharana io, amin'ny alàlan'ny Tenin'Andriamanitra, hitanareo, hoe—hoe tsy maintsy mihazona Ny Teniny Andriamanitra mba hijanona ho Andriamanitra.

¹¹³ Ankehitriny, mahamarika isika fa samy lehilahy ara-panahy ireto roa ireto, samy mpaminany izy roa, samy nantsoina izy roa. Ary Mosesy, tao amin'ilay laharan'andraikitra, niaraka tamin'ny Andry Afo iray vaovao teo anoloany isan'andro, ilay Fanahin'Andriamanitra teo aminy, tao amin'ilay laharan'andraikitra. Indro tonga ny mpanompon'Andriamanitra iray hafa, nantsoin'Andriamanitra, notendren'Andriamanitra, mpaminany iray izay ahatongavan'ny Tenin'Andriamanitra. Eto ilay laharana mampidi-doza. Tsy misy olona afaka mandà fa ity lehilahy ity dia avy amin'Andriamanitra—avy amin'Andriamanitra, satria nilaza ny Baiboly fa ny Fanahin'Andriamanitra no niteny taminy, ary mpaminany iray izy. Saingy, hitanareo, rehefa nahazo an'ilay tena valimy avy tamin'Andriamanitra izy, dia tsy nihazona an'Izany. Tsy nomarihany Izany, noho izany dia nandeha nihaika an'i Mosesy izy.

¹¹⁴ Ankehitriny, nitady ny sitrapon'Andriamanitra i Balama, tamin'ny fony rehetra. Ankehitriny, rehefa tonga ireto lehilahy

malaza ireto ka nanao hoe, “Balama! Naniraka i Balaka mpanjaka, mba hankanesanao any aminy izao ankehitriny izao ka hanozona an’io vahoakan’ny Isiraely io, satria miparitaka manerana ny tavan’ny tany manontolo izy ireo, ary mitoby manohitra ahy ankehitriny. Ary raofin’izy ireo ny fanjakana rehetra manodidina, eo ambaniny. Ary tianay ianao ankehitriny ho tonga ka hanozona an’io vahoaka io. Satria, azoko fa raha manozena olona iray ianao, dia voaozona izy.” Ankehitriny, hitanareo, lehilahin’Andriamanitra iray izy. “Izay tahianao, dia voatahy.” Mpanompon’Andriamanitra iray izy.

¹¹⁵ Ary nieritreritra i Balama ankehitriny, amin’ny maha-mpaminany iray hoe, “Zavatra iray ihany no tokony hataoko, ary izany dia ny mitady hoe inona no sitrapon’Andriamanitra.”

¹¹⁶ Izany no andraikiry ny mpaminany iray, raha nantsoina ho mpaminany izy. Voalohany, inona no tsy maintsy hataon’ny mpaminany iray? Izany dia ny mitady ny sitrapo, ny Tenin’Andriamanitra. Tsy maintsy manao an’izany izy. Satria, amin’ny maha-mpaminany iray, dia tonga aminy ny Tenin’Andriamanitra. Ny... Hoy izy ireo hoe, “Eny, tsy teolojiana iray ianao.” Tsy milaza mihitsy ny Baiboly fa tonga tamin’ny teolojiana iray ny Tenin’Andriamanitra. Izy ireo no hany nampifangaro an’Izany. Tonga amin’ny mpaminan’Andriamanitra ny Teny.

¹¹⁷ Ary indro ny lehilahy anankiray izay mpaminan’Andriamanitra. Ary rehefa nokaramaina izy, hokaramaina, mba ho tonga ka hanozona vahoakan’Andriamanitra iray hafa, mariho, dia nandeha nitady ny sitrapon’Andriamanitra izy. Ary te-hahafantatra ny Sitrapony tanteraka izy, ary nomen’Andriamanitra azy ny Sitrapony tanteraka arak’izany. Naseho azy ny Sitrapony tanteraka. Inona ny Sitrapony? “Aza mandeha!” Izany no Tenin’Andriamanitra voalohany. “Aza mandeha miaraka amin’izy ireo. Aza manandrana manafika ny Vahoakako, izay mandeha ao amin’ny Lèlako tanteraka.”

¹¹⁸ Ahoana izany amin’izao andro izao, te-hifamaly, hiady hevitra, sy ny zavatra hafa rehetra, rehefa mahita ny Fanahin’Andriamanitra miasa eo anivonareo izy ireo. Ary miezaka izy ireo ny, efa niezaka an’izany nandritry ny taona maro, ny hanempotra an’Izany. Fa arakaraky ny hanemporan’izy ireo Azy, no Hitomboany lehibe kokoa. Tsy afaka manozena an’izay notahian’Andriamanitra ianareo. Tsy afaka mihitsy ianareo. Tsy afaka manao an’izany mihitsy ianareo.

¹¹⁹ Noho izany, hitanareo, izany no vahoakan’Andriamanitra. Ankehitriny, io mpaminany io, na dia tany aza izy ka nokaramain’ilay mpanjaka, niasa teo anivon’ireo fankalazana, sy ny sisa. Ary tonga taminy ny Tenin’Andriamanitra. Nitady ny sitrapon’Andriamanitra izy, ary namaly azy ny

sitrapon'Andriamanitra, ka nanao hoe, "Aza manozona an'io vahoaka io. Izaho no nitahy azy ireo."

¹²⁰ Ankehitriny tsy misy teolojiana iray eto ambanin'ny lanitra izay afaka mandà an'izao Hafatra izay toriantsika izao, afaka-hoe Izany marina tokoa no Tenin'Andriamanitra ara-potoana mihitsy. Andriamanitra no nanamarina an'izany, tamin'ny zavatra rehetra izay voalaza na natao. Izy no nanaporofa an'Izany ho marina. Ankehitriny, tsy misy teolojiana, tsy misy mpamaky Baiboly, tsy misy mpaminany, afaka mijery ao anatin'ity Teny ity, raha mpaminany iray izy, dia hahita an'ilay zavatra iray ihany. Fa raha tsy mahita an'ilay zavatra iray ihany izy, dia izany no maneho fa misy zavatra tsy mety ao. Satria . . .

¹²¹ Hoy ianareo hoe, "Eny, oh, afaka maka an'izany mifamadika aho." Afaka koa i Balaka, Balama. Hitanareo? Fa Andriamanitra no nanondro an'i Mosesy.

Ary inona ilay porofo tamin'izay fotoana izay? Ny Tenin'Andriamanitra. Ary henony ilay fanapahankevitr'Andriamanitra mazava, madio tanteraka hoe, "Aza mandeha ianao. Aza manandrana ny—ny hanozona an'izay efa Notahiako. Vahoakako izy ireo."

Fa mba fantatrareo moa? Tsy tia an'ireo olona ireo i Balama, eo am-panombohana. Oh, inona ny...Balama firy no misy eto amin'izao tontolo izao amin'izao andro izao! Tsy tiany io vondrona io, eo am-panombohana.

¹²² Ankehitriny, rehefa avy nahazo ny fanapahankevitr'Andriamanitra madio tanteraka izy hoe, "Aza mandeha ianao." Saingy, hitanareo, raha tokony hanao an'izany, izany ilay zavatra iray ihany tahaka an'i Kaina, tahaka an'i Kora, nialona izy, ary izy—izy dia nila, antony iray handehanana, na ahoana na ahoana.

¹²³ Mariho, ireo foibeny ara-anaram-piangonana, rehefa naniraka niverina izy, nanao hoe, "Tsia, tsy mino aho hoe handeha any aho. Tsy mino aho hoe hanana zavatra hatao miaraka amin'izy ireo. Tsy hiady hevitra amin'ireo vahoaka ireo aho, satria efa niteny tamiko Andriamanitra fa Vahoakany ireo, ka tsy mino aho hoe handeha aho." Raha mba nijanona niaraka tamin'izany izy!

Fa, tao anatin'ny fony tao, dia tsy tia azy ireo izy. Hitanareo? Tsy avy tamin'ny vondrony izy ireo. Ary ny zavatra rehetra izay tsy an'ny vondrony, "dia tsy marina, eo am-panombohana." Hitanareo? Dia nandinika azy ireo izy, nanao hoe, "Nisy zavatra nampahatahotra nataon'ireto olona ireto. Azo antoka fa hanozona vahoaka anankiray tahaka an'izany ny Andriamanitra masina iray. Izy ireo dia, tsy mahay manoratra. Tsy nampianarina tahaka anay izy ireo. Izahay dia vahoaka mahay kokoa. Oh, mihambo ho manompo an'Andriamanitra izy ireo, saingy, jereo izy ireo, inona izy

ireo? Andian'ny, nahoana, andian'andeve iray, mpihosom-potaka, izay noroahin'ireo Egyptiana tany. Nahoana, tsy hisy idiran'Andriamanitra amin'ny andiany iray maloto tahaka an'io mihitsy!"

¹²⁴ Diso tamin'ny fahitana an'io Vatolampy nokapohina io sy io menarana varahina io izy, io Andry Afo io. Niezaka nitsara azy ireo avy tamin'ny fijerin'ny mety maty iray izy. Diso tamin'ny fahitana an'ilay antso avon'Andriamanitra izy. Nohon'ny fahasoavana, tamin'ny alàlan'ny fididianana, dia tao anatin'io laharan'io izy ireo, ary niarakana tamin'ny Tenin'Andriamanitra. Ary rehefa te-hanozona azy ireo izy, dia hoy Andriamanitra hoe, "Aza manao an'izany ianao. Ahy izy ireo. Avelao izy ireo hipetraka tsara. Aza mikasika azy ireo ianao."

¹²⁵ Ankehitriny, dia nihodina ilay lehilahy, lasa niverina. Diniho ireo foibeny ara-anaram-piangonana ankehitriny, na izany aza, rehefa lasa niverina izy. Naniraka vondrona iray mahataona kokoa izy. Tamin'ity fotoana ity izy ireo mety ho, raha tokony ho mpikambana tsotra fotsiny, dia mety ho mpampianatra momban'ny fianarana teolojia no tonga tamin'ity fotoana ity. Mety ho eveka izy ireo, na angamba lohan'ny presbytera, satria ny rehetra... Naniraka ny—ny—ny vondrona iray tsaratsara kokoa izy, ary ny—ny vondrona iray mahataona kely kokoa, olona izay nanana fianarana tsaratsara kely kokoa sy afaka handamina an'ilay tetika tsaratsara kokoa aminy, afaka hanao an'ilay izy ho tsara lahatra.

¹²⁶ Hitanareo, izany no nataon'i Kaina; nandanjalanja izy. Izany no nataon'i Kora; nandanjalanja izy. Tsy ilay mandanjalanja no izy.

"Avelantsika ny fandanjalanjana." Mino an'Andriamanitra isika, tsy mampaninona izay lazain'ny hafa rehetra. Mino an'Andriamanitra isika. Tsy mandanjalanja an'izay lazain'Andriamanitra isika. Tsy afaka mandanjalanja an'Izany ianareo. Tsy maintsy manaiky an'Izany amin'ny alàlan'ny finoana ianareo. Ary ny zavatra iray izay fantatrareo, dia tsy mila mandanjalanja intsony ianareo. Tsy fantattro hoe ahoana no Anaovany an'ilay izy; mino fotsiny aho fa Izy no manao an'izany. Tsy fantattro hoe ahoana no Hihazonany an'io teny fikasana io; fa Izy no nilaza hoe Hataony izany. Mino an'izany aho. Manaiky an'izany aho eo amin'ny fototra izay inoako fa izany no Tenin'Andriamanitra.

Hoy ianareo hoe, "Eny, tsy afaka hilamindamina amin'izany ianao." Tsy fantattro hoe ahoana no hilamindaminako amin'izany, fa Izy no nilaza hoe, "Lazao izany."

Tsaroako ny pasiterako Batista niteny tamiko, nanao hoe, "Nahoana, Billy, history teny amin'ny andry ao am-piangonana

ianao. Nahoana, mihevitra ve ianao fa hisy olona handre zavatra iray tahaka an'izany?"

Hoy aho hoe, "Andriamanitra no niteny an'izany."

"Ahoana no handehananao, miaraka amin'ny fianarana kilasy fahafito, hivavaka ho an'ireo mpanjaka, sy hitory teny manerana an'izao tontolo izao?"

¹²⁷ Hoy aho hoe, "Tsy fantattro hoe ahoana no hanaovako azy, fa, Izy no nilaza an'ilay izy, dia ampy ahy tsara fotsiny izany." Hitanareo? "Izy no nilaza an'ilay izy. Tsy fantattro hoe ahoana no hahavita an'izany."

Hoy izy hoe, "Mihevitra ve ianao fa ireo olona ao amin'ity izao tontolo izao malaza ity, nianatra izay hitsangananao ho toherina, eo amin'io lohahevitry ny fanasitranana avy amin'Andriamanitra io sy ny sisa, mihevitra ve ianao fa hino an'izany izy ireo?"

¹²⁸ Hoy aho hoe, "Tsy ahy ny hahafantatra na hino an'Izany izy ireo na tsia." Hoy aho hoe, "Ny andraikitro dia ny mitory an'Izany. Izany no Noteneniny tamiko. Izy no nilaza fa homba ahy Izy, ary Izy no nilaza tamiko an'izay hataony."

Ary izany dia nanao marina tokoa an'izay Nolazainy fa hataony. "Voalohany, hazony ny tànan'izy ireo; avy eo dia izao no hiseho hoe ho fantattro mihitsy aza ny tsiambaratelon'ny fon'izy ireo." Ary efa nolazaiko taminareo ny amin'izany, ary tahaka an'izany no nitrangany. Ahoana no nanaovany an'ilay izy? Mbola tsy fantattro foana hoe ahoana no anaovany azy. Tsy iray amin'ireo asako mihitsy ny hoe ahoana no nahavita an'izany; vita fotsiny ilay izy.

¹²⁹ Iza no afaka hanazava rehefa niteny tamin'i Elia Andriamanitra hoe, "Miakara any ambony any ary mipetraha eo amin'ny tendrombohitra, fa Izaho no hamahana anao. Izaho efa nandidy ny—ny goaika hamahana anao"? Ahoana no ahafahan'ny goaika anankiray haka mofo didiny iray sy silaka—silaka trondro iray, voaendy, ka hitondra an'izany ho an'ny mpaminany anankiray? Any ankoatry ny zavatra rehetra izay azoko hazavaina izany. Tsy mihevitra aho fa afaka ihany koa ianareo, na tsy misy olona afaka. Fa Nataony izany. Izay ihany no ilaina. Nataony izany, ary izany no fahamarinan'ilay izy.

Ahoana no Nanaovany azy, tsy fantattro; tsy iray amin'ireo asako izany. Fa Nataony izany. Ahoana no Nanaovany ny tany, tsy fantattro; fa Nataony izany. Ahoana no Nanirahany Ny Zanany, tsy fantattro; fa Nataony izany. Ahoana no Nitsanganany tamin'ny maty, tsy fantattro; fa Nataony izany. Ahoana no Namonjeny ahy? Tsy fantattro; fa Nataony izany. Marina izany. Ahoana no Namonjeny anareo? Tsy afaka miteny aminareo aho; fa Nataony izany. Ahoana no Nanasitranany ahy? Tsy fantattro; fa Nataony izany. Izy no nampanantena fa Hataony izany, ary mihazona Ny Teniny Izy.

Ankehitriny, tokony nahafantatra an'izany i Balama, ary nahafantatra tsaratsara kokoa izy.

¹³⁰ Mariho, ity vondrona tsaratsara kokoa ity, mahataona, dia tonga, ary tsaratsara kokoa amin'ny inona? Nanana fanomezana tsaratsara kokoa izy ireo. Ary tsy izany ihany, fa afaka nanome azy vola betsaka izy ireo, ary afaka izy ireo, nanolotra toerana iray tsaratsara kokoa ho azy. "Ankehitriny, ankoatry ny mpitoriteny tsotra iray fotsiny ao amin'ilay rafi-pandaminana, dia hanao anao ho mpanara-maso ambonin'ny distrika izahay. Hitanao? Izany, izahay dia—izahay dia hanao zavatra iray ho anao raha handroaka fotsiny an'io andian'olona io hiala eto ianao, hitanao, ka hampijanona an'io." Oh, nanolotra toerana lehibe iray ho azy izy ireo. Hoy izy, "Arakaraky ny hitahianao..." Hoy izy, "Fantatrao, afaka hampisondrotra anao aho." Jereo hoe avy taiza no nandraisany ny teniny, ilay lohan'ny firenena.

¹³¹ Taiza no nandraisan'i Mosesy ny Teniny? Ilay Mpanjakan'ny Lanitra. Ny anankiray dia ny teny fikasan'ny Tenin'Andriamanitra hoe, "Hitondra anareo ho any amin'ilay tany nampanantenaina Aho, ary tsy hisy olona hahajoro eo anatrehanareo. Handefa fanenitra eo anoloanareo Aho ka handroaka azy ireo, avy amin'ny ankavanana mankany amin'ny ankavia. Ary haka an'ilay tany ianareo. Izaho no nampa-... Efa Nomeko anareo izany. Mandrosoa, alaivo izy, tano izy; anareo izy." Ary ankehitriny, hitanareo, izany Ilay nohenoin'i Mosesy. Fa ity lehilahy ity dia nihaino mandra-pahatongan'izany ho zavatra iray tao am-pony manokana nahatonga azy nialona, ary noho izany dia nandeha teo amin'ny lohany ara-pivavahana izy. Hitanareo?

¹³² Mariho, toerana iray tsaratsara kokoa. Hoy izy hoe, "Fantatrao ve fa afaka mampisondrotra anao aho? Hampisondrotra anao eo amin'ny toerana iray tsaratsara kokoa aho. Hanao betsaka ho anao aho. Hampakatra ny karamanao aho. Hanome anao karama iray tsaratsara kokoa aho." Ary rehefa natolony azy io rehetra io, dia nanajamba azy izany.

¹³³ Balama firy no misy eto amin'izao tontolo izao amin'izao andro izao, izay, nohon'ny toerana iray tsaratsara kokoa, fiangonana iray tsaratsara kokoa, fampanantenana zavatra iray! Rehefa manokatra ny masonry eo amin'ny Teny sy ireo asan'Andriamanitra ny olona iray... Ary io lehilahy tsara io, izay tratry ny fitaomana, dia hanomboka amin'ny maha-mpanompon'Andriamanitra iray, ary hihazona fiangonana tsara iray izy. Afaka kelikely, dia aseho azy ny batisan'ny Fanahy Masina; aseho azy ny batisa amin'ny Anaran'i Jesosy, izay Soratra iray ary fomba tokana ara-tSoratra hanaovana batisa. Ary rehefa aseho azy izany, ka fantatr'ilay anaram-piangonana fa hahavery azy izy ireo rehefa manomboka an'izany izy, dia omen'izy ireo toerana iray tsaratsara kokoa izy sy fanovàna iray

ao amin'ny fiangonana. Hitanareo, Balamisma fahiny, indray, mitovy marina tokoa tahaka azy tany amin'ny voalohany.

¹³⁴ Ankehitriny, io lehilahy io izay mamaky an'ity Baiboly ity, tsy afaka mamaky an'Izany izy raha tsy mahita fa izany no Fahamarinana. Tsy nisy olona mihitsy hany natao batisa ka nampiasa an'ireo titran'ny "Ray, Zanaka, Fanahy Masina." Fanelek-pinoana Katolika izany fa tsy Foto-pampianaran'ny Baiboly. Tsy nisy olona ao amin'ny Baiboly izay hany natao batisa, na telonjato taona taorian'ny fahafatesan'ilay apostoly farany, izay natao batisa afa-tsy tamin'ny Anaran'i Jesosy Kristy. Ny fiangonana Katolika no nanomboka an'izany, ary nanaraka azy ny sisa tamin'izy ireo. Ary ny mpitoriteny rehetra izay hipetraka ao amin'ny biraony ka hijery an'izany, dia mahafantatra fa izany no Fahamarinana. Nefa, nohon'ny laza, mba hihazonana ny toerany, fisainana tsaratsara kokoa eo anivon'ny olona, dia manao marimaritra iraisana izy.

"Eny," hoy ianareo hoe, "nitahy azy Andriamanitra."

¹³⁵ Izany tokoa. Ny sasany tamin'izy ireo dia manana ny fanomezam-pahasoavana manasitrana, ny sasany tamin'izy ireo dia manana asam-pitoriana lehibe. Ary izany no namelaka avy hatrany teo amin'ny tavan'izy ireo, ka mahazo ny valiny iray ihany izay azonareo avy amin'ny Tenin'Andriamanitra izy ireo na olona hafa iray. Tsy miova Andriamanitra. Hitanareo ve izay tiako lazaina?

¹³⁶ Balama, ho an'ny toerana iray tsaratsara kokoa, dia nieritreritra izy. Ankehitriny jereo, rehefa niverina io vondrona tsaratsara kokoa io, ilay tena...Balama, eto, dia naka lahateny diso iray. Hitanareo? Nilaza izy...Ilay-ilay vondrona tsaratsara kokoa dia niverina, izy—izy dia tokony nanao hoe, "Mialà eto anatrehako! Efa noteneniko taminareo ny Tenin'Andriamanitra. Mandehana mandeha! Izany no HOY NY TOMPO HOE." Saingy, hitanareo, ireo fanomezana, sy ny ho lehilahy malaza kokoa!

¹³⁷ Oh, toy ny ahoana no itiavan'izy ireo manao an'izany! "Handefa anao manerana an'izao tontolo rehetra izao izahay. Hanome anao fiaramanidina manokana izahay. Hanohana an'ireo favorianao na aiza na aiza izahay raha ianao fotsiny no..." Oh, tsia. Ah-hah. Hitanareo?

Fantatsika izay lazain'ny Teny. Fantatsika izay nolazain'Andriamanitra. Hijanona miaraka amin'izany isika, amin'ny alàlan'ny fanampian'Andriamanitra. Hitanareo? Tsy mampaninona izay karazana fampanantenana iray, sy hoe ohatrinona no mbola azonareo haloa, na firy amin'ity, *itsy*, na ny *hafa* no azonareo—azonareo vokarina; mila ny HOY NY TOMPO HOE isika, ary izay Nolazainy *Eto aloha*.

"Eny, hoy ny fiangonana hoe, 'Laharana faharoa izany.'"

Mila an'izay nolazain'ilay Andriamanitra tany amin'ny voalohany isika. "Ary ny zavatra rehetra nanampiana an'Izany na nesorina tamin'Izany, na ny anarananareo aza dia ho esorina ao amin'ny Bokin'ny Fiainana; manampy teny anankiray amin'Izany, na manaisotra Teny anankiray amin'Izany." Mila an'izay Nolazainy isika; fa tsy izay nolazain'ny fiangonana, izay nolazain'ny Dokotera Jones, izay nolazain'olon-kafa. Mila an'izay nolazain'ny HOY NY TOMPO HOE isika, izay nolazain'ny Teny.

¹³⁸ Fa hitantsika i Balama ankehitriny, mpanompon'Andriamanitra iray. Ary maro amin'ireo lehilahy ireo no manomboka, sy notendren'Andriamanitra, ary miteny ny Tenin'Andriamanitra ao amin'ny zavatra maro; saingy rehefa tonga eo amin'ny Fahamarinana feno ilay izy, dia tsy hanao an'izany izy ireo.

¹³⁹ Mariho eto, amin'ny maha-mpaminanin'Andriamanitra iray, tsy tokony ho voafandrika tao amin'ny vondrona iray tahaka an'io izy, eo am-panombohana. Tsy tokony nandeha niaraka tamin'izy ireo izy. Saingy, diniho, nohon'ny laza, hitanareo, nohon'ny fieritreretany, dia hoy izy hoe, "Eny, mijanònà mandritry ny alina manontolo, dia hanandrana indray aho." Hitanareo, "Hanandrana indray aho"? Ho an'ny inona no hanandramanao indray?

¹⁴⁰ Efa niteny taminy an'izay ho lazaina Andriamanitra. Hoy Andriamanitra hoe, "Teneno azy ireo fa tsy handeha ianao." Izany No Teniny tany am-piandohana. "Tsy handeha aho. 'Ary aza mandeha ianao. Aza manozona an'izay Notahiako.'" Diniho ankehitriny hoe ahoana no nivalian'izany teo aminy, afaka kelikely. Hitanareo? Ary ho izany foana ilay izy, isan'andro. Rehefa milaza zavatra iray Andriamanitra, dia izay no Tiani lazaina. Tsy manova ny Heviny mikasika an'izany Izy. Mijanona tsara amin'Ny Teniny Izy. Tsy mampaninona izay lazain'olon-kafa iray, mijanona tsara amin'izany Teny izany Izy.

¹⁴¹ Ankehitriny, tokony ho nahafantatra tsaratsara kokoa i Balama. Tokony ho nanala ny tenany tamin'ny tarika tahaka an'io izy. Saingy ireo fanomezana tsara rehetra ireo sy ilay fampanantenan'ity mpanjaka ity, nanao hoe, "Fantatrala fa afaka manao an'izany aho. Izaho no eveka. Afaka manao an'izay rehetra tiako hatao fotsiny aho, ary hampisondrotra anao raha ho avy ianao ka hanao an'izany ho ahy."

Fa efa niteny taminy Andriamanitra hoe, "Aza manao an'izany."

¹⁴² Kanefa hoy i Balama hoe, "Ianareo, mijanònà ianareo mandritry ny alina manontolo, fa izaho dia—izaho dia hanandrana indray."

Hitanareo, nanana ny Teny izy. Tsy mila miady hevitra mikasika an'Izany intsony ianareo. Andriamanitra no efa

niteny an'ilay izy. Miaraka amin'ny vondrona iray tahaka an'izany, dia mandresy lahatra anareo foana hiala amin'ny sitrapon'Andriamanitra izy ireo, raha hamela azy ireo ianareo.

¹⁴³ Nisy vondrona anankiray tonga teo amin'ny mpaminamy iray, indray mandeha, nantsoina hoe Joba. Tsy afaka nandresy lahatra azy izy ireo. Nahita an'ilay fahitana izy. Fantany hoe inona ny marina.

Nahita an'ilay fahitana i Balama, nef a mbola tsy nianona niaraka tamin'Izany foana.

¹⁴⁴ Tsy mampaninona na impiry no nilazan'ny vondron'ny fiangonany hoe, "Oh, Joba, ianao tokony hanao an'ity, ianao tokony hanao an'itsy." Na dia ny vadiny aza, hoy izy hoe, "Miteny tahaka ny olona adala iray ianao." Hitanareo? "Fantattro izay nolazain'ny Tompo. Fantattro izay Notakiany, ary izany no nataoko." Hitanareo, nianona niaraka tamin'izay notenenin'Andriamanitra taminy izy.

¹⁴⁵ Mariho, Balama izay nampiasa an'io lahateny diso io ho an'ny fieritreretany. Hitanareo? Hoy izy hoe, "Eny, izaho dia—izaho dia hahita. Hanandrana indray aho." Ankehitriny, eo no ahatongavanareo, ilay laharana faharoa. Balama firy no ananantsika izao hariva izao, izay tia mampiasa an'ilay lahateny diso an'ny Matio 28:19 nohon'ny fieritreretany fotsiny? Firy no te-hampiasa ny Malakia 4 nohon'ny fieritreretany fotsiny? Firy no te-hampiasa ny Lioka 17:30 nohon'ny fieritreretany fotsiny? Firy no te-hampiasa an'ireo zavatra ireo, kanefa, "Eny, lazaiko aminao, izaho—izaho dia mino fa mikorontana eo amin'Izany izy rehetra"?

¹⁴⁶ Ary noho izany dia indro i Balama fa miezaka milaza hoe, "Angamba lasa mikorontana Andriamanitra. Hanandrana indray aho, hitanareo, hahita an'izay Nolazainy." Ankehitriny, Fantany ny fonareo. Mariho, nampiasa an'io lahateny diso io i Balama nohon'ny fieritreretany manokana, satria, tokoa, nila an'io vola io izy. Nila an'io fahamboniana io izy. Nila an'izany izy. Nila an'io asa io izy. Nila an'io toerana io izy, mba ho hajaina, amin'ny maha-Dokotera *Ranona-sy-ranona*. Noho izany izy—izy—izy dia nanao hoe, "Hanandrana indray aho."

¹⁴⁷ Oh, ao amin'ireo Balama eto amin'izao tontolo izao amin'izao hariva izao, toerana nampanantenaina, laza! Oadray, oh, oadray! Manangoly ny fieritreretany amin'ny alàlan'ireo izy ireo. Noho ireo anaram-pianganany, dia hoy izy ireo hoe, "Raha manao an'io ianao, dia voaroaka. Fantattro fa lehilahy tsara iray ianao, ary tianay ianao," ary lehilahy tsara iray izy, "tianay ianao. Saingy tsy afaka mitory an'izany ianao. Ny—ny foto-pampianarantsika dia milaza fa tsy afaka manao an'izany ianao. Dokotera *Ranona-sy-ranona* dia nilaza fa tahaka an'izao ilay izy. Ankehitriny tokony hino an'ilay izy tahaka an'izany ianao, raha mijanona miaraka aminay. Ankehitriny, raha tianao,

fantattro fa nanana fotoana sarotra iray ianao, eny, hojereko raha tsy afaka hanao anao ho tafasondrotra aho, angamba hiova fiangonana.” Oh, ianareo Balama! Rehefa fantatrareo ny sitrapon’Andriamanitra, dia ataovy izany! Tsy hanova ny Heviny Andriamanitra. Tsia.

¹⁴⁸ Zavatra iray izay azony andalovana, ny Fahamarinana, ho an’ny fanirahany. Hoy izy hoe, “Eny, izaho dia—izaho dia hanandrana indray.” Mariho ireo Balama izay misy.

¹⁴⁹ Noho izany dia tsarovy ankehitriny, rehefa tonga teo amin’ny alina faharoa izy, niaraka tamin’io fankalazana lehibe io, sady efa nanana ny fieritreretany dombo sy ngoly, dia namela azy handeha Andriamanitra. Ankehitriny, tsy nanova ny Heviny mihitsy Andriamanitra, fa nanome azy ny Sitrapony navela Izy. “Mandehana àry.” Saingy hitany fa tsy hety izany.

¹⁵⁰ Fantatr’Andriamanitra izay tao anatin’ny fon’i Balama. Na mpaminany iray aza izy, dia Fantany fa nankahala an’ireo holy-rollers, ary izy—ary izy fotsiny...izy—izy dia te-hanozona azy ireo, na ahoana na ahoana. Nefa Andriamanitra efa niteny taminy tsy hanao an’izany, kanefa dia tonga izy, te-hanao an’izany, indray, noho izany navelan’Andriamanitra nandeha izy. Hoy Andriamanitra hoe, “Mandehàna.” Ankehitriny, tsarovy, tsy nanova ny Heviny mihitsy Izy.

¹⁵¹ Mariho, faniriany ny hanozona azy ireo. Ireo vahoaka izay nokilasiany ho fanatika, tiany ny hanozona azy ireo. Nila toerana iray izy. Tsy te-hiadalandala niaraka tamin’izy ireo izy, noho izany dia nihevitra izy fa raha afaka manao an’io fihetsika kely io ho an’ilay mpanjaka, amin’izay fotoana izay dia hisondrotra izy. Tsy nanova ny Heviny mihitsy Andriamanitra na Ny Teniny.

Fa hanome anareo ny fanirian’ny fony Izy, an’ny fonareo. Izy no nampanantena an’izany. Fantatrareo ve izany? Izy no nampanantena fa hanome anareo ny fanirian’ny fonareo. Ka aoka ny fanirianareo ho ny Tenin’Andriamanitra. Aoka ny fanirianareo ho ny Sitrapony, fa tsy ny sitraponareo manokana mihitsy. Ny Sitrapony! Raha Izy...Raha mangataka zavatra Aminy ianareo, ka tsy manome anareo an’izany Izy, dia manaova hoe, “Misaotra Anao, Tompo. Ianao no mahafantatra izay tsara.”

¹⁵² Jereo na Hezekia Mpanjaka aza, rehefa naniraka an’io mpaminany io tany aminy Izy, Andriamanitra no naniraka, ka nanao hoe, “Alamino ny ankohonanao. Ho faty ianao.”

Nanatodika ny tavany tany amin’ny rindrina Hezekia ary nitomany fatratra, ka nanao hoe, “Tompo Andriamanitra, izaho—izaho dia mangataka Anao handinika ahy. Nandeha teo Anatrehanao tamin’ny fo tanteraka aho. Tiako hamela ahy ho velona dimy ambin’ny folo taona amboniny Ianao.”

¹⁵³ “Eny àry.” Niteny tamin’ilay mpaminany Andriamanitra, nanao hoe, “Miverena ka teneno izy fa nandre azy Aho.”

Dia inona no nataony? Nitondra fahafaham-baraka teo amin'ilay firenena manontolo izy. Nandrehitra ny fahatezeran'Andriamanitra izy hany ka namono azy Izy. Marina izany. Fantatrareo izany. Niverin-dàlana tamin'Andriamanitra. Ho tsaratsara lavitra kokoa, ho an'ny, firenena, mpanjaka, sy ny rehetra, raha lasa izy ka naka ny zavatr'Andriamanitra voalohany ho azy.

Fa toy ny sarotra ho an'ilay mpaminany izany, rehefa tsy maintsy niverina ilay mpaminany ka niteny ny Tenin'Andriamanitra taminy, rehefa avy niteny taminy izy. Saingy hoy Andriamanitra hoe, "Mandehana." Fa, hitanareo, nitondra fahafaham-baraka iray izany.

¹⁵⁴ Inona no nataon'i Balama? Rehefa avy nahafantatra ny sitrapon'Andriamanitra, kanefa nikiry izy, dia nataony izany, na ahoana na ahoana. Ary inona no nataon'izany? Mariho. Tsy nanova ny Heviny mihitsy Izy. Fantany izay tao am-pony.

¹⁵⁵ Fantatrareo, Tomasy, tsy afaka nino an'izany mihitsy izy indray andro. Tsia, izy-izy dia nanao hoe, "Tsia, tsy afaka hino an'izany aho. Raha afaka haka ny tànako aho ka hametaka an'izany ao amin'ny Lanivohony, hametraka an'izany ao amin'ireo fantsiky ny Tànany, eny, amin'izay fotoana izay, amin'izay fotoana izay aho dia-hino aho amin'izay fotoana izay."

Hoy Izy hoe, "Avia eto, ry Tomasy. Hitanao? Ankehitriny apetraho eto ny tànanao."

Ankehitriny, oh, hoy Tomasy ankehitriny, "Ity no Tompoko sy Andriamanitro."

¹⁵⁶ Hoy Izy, "Eny, nahita ianao, ary mino an'izany ankehitriny. Lehibe lavitra toy ny ahoana kosa ny valisoan'ireo, izay tsy nahita mihitsy kanefa mino!"

Tsy te-handray ny Fanahy Masina ny olona raha tsy miteny amin'ny fiteny tsy fantatra izy ireo. Mino ny fitenenana amin'ny fiteny tsy fantatra aho, izany tokoa. Andriamanitra tsara iray Izy; hanome anareo ny fanirian'ny fonareo Izy. Saingy tsy mampaninona na impiry ianareo no miteny amin'ny fiteny tsy fantatra, nefà mandà an'ity Teny ity, dia diso ianareo na ahoana na ahoana. Hitanareo? Hitanareo, tsy miditra amin'ny alàlan'ny fitenenana amin'ny fiteny tsy fantatra ianareo. Miditra amin'ny alàlan'ny fihazonana ny Teny rehetra ianareo. Izany no porofon'ny Fanahy Masina, rehefa mino ny Tenin'Andriamanitra ianareo. Hitanareo?

¹⁵⁷ Mino ny fitenenana amin'ny fiteny tsy fantatra aho. Mino aho fa afaka ny hovelomina ianareo, tahaka ny nolazaiko aninkeo maraina, mandra-pahatonganareo hiteny amin'ny fiteny vaovao iray. Izaho dia efa niteny, ny tenako, ary fantattro fa izany no Fahamarinana. Fantattro fa marina izany. Saingy tsy izany no famantarana, ianareo, hoe zanak'Andriamanitra

nofantenana ianareo. Hitanareo? Tsia, tokoa. Izy tsy nilaza mihitsy... .

"Maro no hanatona Ahy ka hanao hoe, 'Tompo, tsy efa naminany sy nanao an'ireto zavatra lehibe rehetra ireto tamin'Ny Anaranaao ve aho?' Hilaza Izy hoe, 'Mialà Amiko, ianareo mpanao meloka, tsy nahafantatra anareo mihitsy Aho.'"

¹⁵⁸ Miteny amin'ny fiteny tsy fantatra ianareo nefá avy eo ve dia manda ny hatao batisa amin'ny Anaran'i Jesosy Kristy? Misy zavatra tsy mety any ho any. Eny, tokoa; ny iray amin'ireo zavatra ireo, ny iray amin'ireo baiko nomen'Andriamanitra. Misy zavatra tsy mety ao. Zahao fotsiny ny fieritreretanareo manokana, dia jereo izay-jereo izay nolazain'ny Baiboly. Asehoj toerana iray aho izay nanaovana batisa olona tamin'ny anaran'ny "Ray, Zanaka, Fanahy Masina." Hitanareo? Tsy ao izany. Fa, hitanareo, matetika nohon'ny fieritreretanareo, dia hoy ianareo hoe, "Eny..."

Hoy ianareo hoe, "Miteny amin'ireo vehivavy ny amin'izay tokony hataon'izy ireo Andriamanitra, tsy hanao sorta sy ny sisa, saingy, fantatrao, ny pasitera no nilaza..." Noho izany dia maka an'ilay lâlana mora izy ireo.

¹⁵⁹ Fantatr'izy ireo izay nolazain'Andriamanitra mikasika an'izany Eto. Hitanareo? Azo antoka, Andriamanitra no niteny an'izany.

Noho izany izy ireo—izy ireo—izy ireo dia te-hanao an'izany, na ahoana na ahoana, hitanareo. Miezaka hahita fialan-tsiny iray izy ireo. "Eny, heveriko fa izao no tsaratsara lavitra kokoa. Ilay izy dia—ilay izy tsy... Tsy mitsoka ny rivotra..." Hia.

Fa Andriamanitra no nilaza tamin'ny lehilahy iray mba hiakanjo hafa nohon'ny vehivavy iray. "Raha manao fitafian-dehilahy ny vehivavy iray, dia fahavetavetana eo Imasonry izany." Noho izany dia tsy tsara izany, eny, ary tsy tokony hanao an'izany ianareo. Tsia. Hitanareo? Koa, noho izany, dia ratsy izany.

¹⁶⁰ Fa, hitanareo, miezaka hahita fialan-tsiny iray izy ireo, hoe, "Ny Tompo no niteny tamiko hanao an'izao." Tsy milaza aho hoe tsy niteny Izy, fa, jereo, tsy izany no Sitrapony tanteraka. Tsy maintsy ho ny Sitrapony navela izany. Hitanareo ve hoe inona no hataon'izany? Handoto an'ilay andiany manontolo izany. Nandoto an'ilay toby rehetra izany.

¹⁶¹ Mariho eto, tsy nanova ny Heviny mihitsy Andriamanitra, Ny Teniny. Fa Andriamanitra tsara iray Izy, ary hanome anareo ny fanirian'ny fonareo Izy, na dia manohitra ny Sitrapony aza izany. Mino an'izany ve ianareo?

Jereo, niteny tamin'i Mosesy Andriamanitra hoe, "Mandehana ianao any," ity mpaminany voahosotra ity. Hoy

Izy, "Mandehana any ka mitenena amin'io vatomampy io." Efa nokapohina izany.

¹⁶² Nandeha teo tamin'ny fahatezerany i Mosesy, naka an'ilay tehina, ka nanao hoe, "Ianareo mpihodina, tsy maintsy hampivoaka rano ho anareo avy amin'ity vatomampy ity ve izahay?" ary nikapoka an'ilay vatomampy. Tsy tonga ny rano. Nokapohiny indray izany; tonga ilay izy. Nanohitra ny sitrapon'Andriamanitra izany. Nanimba ny drafitra rehetra tao amin'ny Baiboly izany; tsy maintsy nokapohina fanindroany i Kristy. Hitanareo? Efa nokapohina indray mandeha Kristy. Nanimba an'ilay drafitra manontolo izany. Saingy Nomeny azy ny Sitrapony navela. Noho izany, avy eo, dia hoy izy hoe, "Hitanareo, nanome rano ho anareo izahay. Hia, izaho no nitondra an'izany ho anareo, ianareo andiana mpihodina!"

¹⁶³ Hoy Andriamanitra hoe, "Avia eto, ry Mosesy. Avia eto. Miakara eto amin'ny tampony...Efa mpanompo mahatoky iray ianao." (Tahaka ny vehivavy miaraka amin'ny voditongotra avo, "Nihanika ianao," hitanareo.) "Jereo ery lavitra ery. Hitanao ve ilay tany nampanantenaina?"

"O Tompo!"

"Fa tsy ho ao ianao. Naka ny Sitrapoko navela ianao, tany teo amin'ilay Vatomampy. Nanome voninahitra ny tenanao ianao, hitanao, fa tsy Izaho. Nanamasina ny tenanao ianao. Tsy nanamasina Ahy ianao. Tsy nitandrina Ny Teniko tany am-boalohany ianao, izay nolazaiko taminao mba hatao." Kanefa, dia tonga ilay rano.

Afaka mametra-tànana eo amin'ny marary ianareo ary sitrana izy ireny. Afaka maminany ianareo, na miteny amin'ny fiteny tsy fantatra. Saingy, ilay zavatra dia, mitandrina Ny Teniny tany am-boalohany! Tsy manova ny Heviny Andriamanitra, ry sakaiza. Tsy maintsy mitandrina ny Fanirahany ianareo, ny Sitrapony.

"Oh, eny, ho an'ireo mpianatra izany."

¹⁶⁴ Tsy miova Izy. Raha mbola manana mpianatra iray Izy, dia izany ilay fanirahana iray ihany. "Mandehana ianareo manerana an'izao tontolo izao ka torio ny Filazantsara. Izao famantarana izao no hanaraka an'ireo izay mino." Izany dia tsy miova mihitsy. Tsy afaka miova Izy.

Ankehitriny, afaka milaza ianareo hoe, "Eny, lazaike anao, tsy ho an'izao andro izao izany." Oh, ianareo Balamita! Hitanareo? Hitanareo, tsy miova Andriamanitra. Izy no tsy miova omaly, anio, ary mandrakizay.

¹⁶⁵ Jereo fotsiny ireo Balamita amin'izao andro izao. "Oh, fantattro, ao amin'ny Baiboly dia nanao batisa tamin'ny Anaran'i Jesosy izy ireo, saingy, jereo, ny olona rehetra..."

Tsy ahoako izay nataon'ny olona. "Tsy misy Anarana hafa eto ambanin'ny Lanitra izay nomena teo anivon'ny olona izay afaka hahavoavonjy anareo." "Tsy misy famelàna ny fahotana, fa amin'ny alàlan'ny Anaran'i Jesosy Kristy irery ihany." Inona, na tsara toy ny ahoana ianareo, izay ataonareo, tsy misy idiran'izany. Izany dia ny Tenin'Andriamanitra tany ampiandohana; tsy maintsy mijanona miaraka amin'Izany ianareo. Fioo! Eny àry.

¹⁶⁶ "Fankatoavana Ny Teniny no tsaratsara kokoa nohon'ny fanatitra." Tsaroanareo ilay fotoana izay niverenan'i Saoly.

¹⁶⁷ Nanana fanomezam-pahasoavan'ny finoana i Balama ary afaka nampiasa an'izany tao amin'ilay Tenin'Andriamanitra tanteraka, tany am-boalohany.

Lehilahy maro eny amin'ny saha amin'izao andro izao, miaraka amin'ny fanomezam-pahasoavan'ny fanasitranana, no afaka manao an'ilay zavatra iray ihany. Lehilahy maro eto, ireo olona izay miteny amin'ny fiteny tsy fantatra, ireo olona izay maminany, fanomezam-pahasoavana iray, no afaka mampiasa an'izany ho an'ny Fanjakan'Andriamanitra, saingy tsy ataon'izy ireo izany. Alain'izy ireo... Fa mitahy azy ireo Andriamanitra, na ahoana na ahoana, mahazo an'ilay sitrapo navela. Saingy nohon'ny laza, sy fahafinaretana, tombontsoa manokana, dia nivarotra ny fizokiany, tahaka ny nataon'i Esao, hitanareo, nivarotra ho an'ny rafi-pandaminana iray. Nivarotra, tahaka ny nataon'i Balama. Hitanareo?

Marobe no manao an'ilay zavatra iray ihany amin'izao andro izao. Fantatsika fa marina izany. Mivarotra ny fizokiany izy ireo. Hah! Ireo vehivavy izay milaza fa manana ny Fanahy Masina, manao sorta; ny lehilahy mamela azy ireny ho eo amin'ny polipitra, vehivavy manapa-bolo eo amin'ny polipitra; mandoko ny tarehiny, manao an'ireo akanjom-pivavahana. Vato lehibe indrindra manafintohina ny fiangonana izay hany nisy.

¹⁶⁸ Raha tianareo ny hahafantatra, ao amin'ireo fahefana arapolitika, hoe amin'ny firy izao ao amin'ilay taonan'ny fanjakana, dia jereo izay misy an'ireo Jiosy. Diniho hoe toy ny ahoana ireo Jiosy, satria firenena iray izy ireo. Raha tianareo ny hahafantatra hoe aiza no mitsangana ireo firenena, dia diniho ireo Jiosy.

Raha tianareo ny hahafantatra hoe aiza no mijoro ny fiangonana, dia diniho ireo vehivavy. Diniho ireo fitondrantenae eo anivon'ireo vehivavy, satria izy no fanehoana iray an'ny fiangonana. Rehefa mahita ny fahasimbana eo anivon'ireo vehivavy ianareo, dia hitanareo ny fahasimbana ao amin'ny fiangonana. Lasa inona izy, Jezebela miloko tarehy iray, lasa izany marina tokoa ny fiangonana. Hitanareo? Ankehitriny, izany no fahamarinana, ary fantatrareo izany. Hitanareo? Raha tianareo ny hahafantatra hoe aiza no misy ny fiangonana, dia

diniho ireo fitondran-tena eo anivon'ireo vehivavinareo. Satria, izy no, ny fiangonana dia vehivavy iray.

Raha tianareo ny hahafantatra ny toeran'ny firenena, dia diniho ireo Jiosy.

¹⁶⁹ Mariho, tahaka ny nolazain'Andriamanitra tamin'i Balama, rehefaavy nandre an'ilay fanapahan-kevitra marina tanteraka izy, ny Teny hoe, "Aza mandeha." Eny, avy eo dia niteny taminy Izzy, rehefaavy Hitany tao—tao am-pony, izay tsy maintsy hataony; Nomeny azy ny Sitrapony navela, noho izany dia hoy Izzy hoe, "Mandehana."

¹⁷⁰ Ary afaka manao an'ilay zavatra iray ihany ianareo. Raha tsy te-handeha ao amin'ny Fahamarinana ianareo, dia afaka mandeha ianareo ka manana—manana asam-panompoana lehibe iray. Izany tokoa, afaka ianareo. Saingy maka ny Sitrapony navela ianareo. Mandeha any ankoatry Ny Teniny ianareo. Hanambina anareo Izzy, izany tokoa. Ny . . .

Tahaka ny Nataony tamin'i Balama mihitsy. Fahombiazana iray izy, saingy tsy afaka nanozona an'io vahoaka io. Tsy afaka nanao an'izany izy. Satria, isaky ny nanomboka hanozona izy, dia nitahy. Hitanareo, tsy afaka nanao an'izany izy. Fa rehefa tonga teo amin'ny hoe nambinina izy tao amin'ny zava-bitany, dia nampianatra an'ireo vahoaka ireo izy, tamin'ny alàlan'i Balaka, hanao fijangajangana. Nentiny nidiitra ny tobin'ny Isiraely ka nampifanambadiany izy ireo, nanao hoe, "Nahoana, iray ihany isika rehetra. Nahoana, manompo an'ilay Andriamanitra iray ihany ianareo. Manana mpaminany anankiray izahay eto ambony eto; ary ianareo manana mpaminany iray etsy ambany etsy. Ary manana an'ilay fanatitra iray ihany isika, ilay Jehovah iray ihany tahaka an'ireo razantsika. Ankehitriny, nahoana ianareo rehetra no tsy tonga fotsiny ka mikambana miaraka aminay?"

Hoy ny Baiboly hoe, "Aza manakambana ny tenanareo eo anivon'ireo tsi-mpino. Aza mizioga miaraka amin'izy ireo, mihitsy. Raha tsy mino an'Izany izy ireo, dia mijanòna lavitra azy ireo." Hitanareo? "Mivoaha, misaraha," hoy ny Tompo, "dia handray anareo Aho." Hitanareo? "Aza mikasika an'ireo zavany tsy madio." Marina izany. Ny fahalotoany manohittra ny Teny, sy ireo zavatra tahaka an'izany, mijanòna lavitra an'izany. Aza mihaino an'izany.

¹⁷¹ Ary hitantsika eto fa nandeha tany i Balama ka nanomboka nampianatra ny vahoaka, ary nanao fahadisoana iray izy. Ary izy—izy dia nanaraka ny lâlan'i Balama, ahoana ny nataony, ary nampianatra an'i Balaka, ka nanao fijangajangana ireo zanak'Isiraely. Ary namely ny firenen'ny Isiraely ny loza iray, an'ireo vahoaka, ka an'arivony tamin'izy ireo no maty tao anatin'ny iray andro.

Ary raha mbola teo izy rehetra, teo anoloan'ny alitaran'Andriamanitra, nivavaka, dia indro tonga ny lehilahy Isiraelita iray niaraka tamin'ny vehivavy Midianita iray, vehivavin'ny ara-anaram-pianganana iray, ary niditra tao anatin'ilay tranolay. Ary nanatona teo ilay zanaky ny mpisorona, ary naka lefona iray ka namono azy roa ireo. Dia izany no nampijanona ny fahatezeran'Andriamanitra. Fantatrareo fa izany no Soratra. Marina ve izany? Hitanareo?

¹⁷² Fa inona no nitranga? Balama, nahomby izy tamin'ny fampandemena ny Isiraely. Inona no nataony? Nampahalemeny ny tobin'izy ireo. Namela azy handeha Andriamanitra ary nampahalemy ny tobin'izy ireo, ka izany no nandoto an'ilay toby manontolo.

Ary rehefa manomboka ny foto-pampianarana iray, izay tsy ny Fahamarinan'ny Baiboly, dia izany no mandoto an'ilay toby manontolo. Mitsangana ny olona anankiray miaraka amin'ny hevitra hafa iray, tahaka an'i Kora, ka manao hoe, “*Eny, ity, itsy*, ary ny *hafa*, ary manana hevitra hafa iray aho,” dia izany no mandoto an'ilay toby manontolo. Ary izany no vitan'ilay tobim-pianganana manontolo amin’izao andro izao. Marina izany.

¹⁷³ Nampianatra tahaka ny nataony, no nampahalemy an'ilay toby manontolo ho an'i Kadesy-barnea, ilay fanehoan-kerin'ny Teny. Rehefa tonga tao Kadesy-barnea izy ireo, tamin'izay fotoana izay, ilay fampandemena ny toby. Niverina izy ireo. Nandeha avy hatrany mihitsy izy ireo taorian'ny . . .

Tsarovy, nihinana sakafon'anjely izy ireo. Nanana ny Tenin'Andriamanitra izy ireo, isan-kariva, tonga voaseho. Ary nihinana an'ilay sakafy izy ireo. Nisotro avy tamin'ilay vatolampy izy ireo. Nisotro izy rehetra, nahita an'ireo fahagagana. Nandinika an'i Mosesy izy ireo, ary nahita ny teniny, nahita an'ireo faminianiany, ny zavatra rehetra.

Ary farany avy eo rehefa nihaino an'io mpampianatra sandoka io izy ireo, izay niditra teo anivony ka nampianatra diso, dia nampahalemy an'ilay toby izy, ary nambinina tamin'ny alàlan'izany.

Mety nanorina tranobe iray tapitrisa dolara izy. Mety nanana anaram-pianganana malaza izy. Mety nanampy an'arivony sy an'arivony izy, ary nanao asa lehibe, sy asa mahery, ary mpaminany iray. Tsara izany, saingy, raha mbola tsy miaraka amin'ny Tenin'Andriamanitra foana, dia tsaratsara kokoa ho anareo ny mijanona lavitra an'izany.

Tsy manova ny Heviny Andriamanitra. Mijanòna tsara miaraka amin'Ny Teniny, satria izany no hivoaka any amin'ny farany, ny Teny, Teny amin'ny Teny. “Na iza na iza hanaisotra Teny anankiray avy amin'Izany, na manampy teny anankiray amin'Izany!” Izany dia tsy maintsy mijanona, ho io Teny io.

¹⁷⁴ Ankehitriny henoy tsara ankehitriny. Rehefa tonga ny fitsapan'ny Teny, rehefa nandeha teo izy ireo ka nahita an'ilay fanoherana lehibe loatra, ny fanoherana lehibe indrindra izay hany hitany, ireo Amalekita dia—dia im-polo amin'ny habeny. Hoy izy ireo hoe, "Tahaka ny valala isika. Ny fefin'izy ireo, na ny tanànany dia misy rindrina lehibe hany ka afaka manao hazakazaka kalesy manodidina an'izany izy ireo, kalesy roa, haingana arak'izay ahafahany mandeha, manodidina an'ireo rindrina, hitanareo, an'ireo tanànany. Nahoana, lehibe ireo lefony, lava izy ireo. Olom-be izy ireo. Nahoana, tahaka ny valala isika. Tsy afaka manao an'ilay izy isika."

Ary lehilahy roa no nijoro teo amin'ity Teny ity, Kaleba sy Josoa, nanao hoe, "Andraso iray minitra! Manginà iray minitra fotsiny ianareo vahoaka roa tapitrisa ireo. Mihoatra lavitra nohon'ny mahavita an'ilay izy isika. Hitanareo, mihoatra lavitra nohon'ny mahery isika ho azy ireo."

Inona no nifotoran'izy ireo? Hoy Andriamanitra hoe, "Efa Nomeko anareo ny tany. Anareo izany." Dia nijoro teo izy ireo. Fa nanambady ireo vahoaka, ankoatr'ireo zavatra hafa, sy ireo karazana fanekek-pinoana rehetra sy fombam-pivavahana teo anivony, ka nalemy fotsiny izy ireo, wishy-washy, tsy nahafantatra hoe iza no lâlana ihodinana ary inona no hataeo. Marina izany. Teo no tonga ny fitsapan'ny Teny.

¹⁷⁵ Kanefa, manome alàlana anareo hanaovana Izzy, mamela ny sitraponareo, sitrapo navela iray, teo am-pahafantarana fa... Izzy ao am-ponareo, dia Fantany izany.

Hoy ianareo hoe, "Eny, Rahalahy Branham, izaho nanao an'izao-sy-izao. Tsy manelingelina ahy izany. Mitahy ahy isan'andro Andriamanitra. Mihira ao amin'ny Fanahy aho. Mandihy ao amin'ny Fanahy aho. Izaho..." Hamela an'izany Izzy. Mandehana. Marina izany. Fa inona no hataonareo?

¹⁷⁶ "Manao sorta aho, ary manao an'ity. Tsy manelingelina ahy izany. Fantatro fa ao amin'i Kristy ny finoako, fa tsy ao amin'izay anaovako."

Fa, ny Baiboly no nilaza hoe misy zavatra iray amin'izany. Hitanareo? Inona no hataonareo? Hanao vato manafintohina iray ianareo, tahaka ny nataon'i Balama, eo anatrehan'ny tsirairay avy amin'ireo vehivavy hafa. Inona no hataonareo amin'ny zanakavavinareo tanora? Hanana andiana Rickettas iray ianareo, tena marina tokoa izany, andiana Jezebel aho miloko tarehy. Hitanareo?

¹⁷⁷ Fa hanambina anareo Andriamanitra. "Nahoana, mitahy ahy Izzy." Tsy misalasala amin'izany aho. Izzy dia nitahy an'i Balama, ihany koa. Hitanareo? Hitahy tokoa Izzy. Handeha ao amin'ny Sitrapony navela ianareo, fa tsy ny Sitrapony tanteraka. Tsy manova ny Heviny Andriamanitra, satria mitahy anareo Izzy.

Nitahy ny Isiraely mihitsy Izy tany nandrity ny efapolo taona. Inona no nataon'izy ireo? Naka vady, nitaiza an'ireo ankohonana, nanoroka ankizy, nandoa an'ireo ampahafolokarenany, niaina tsara tany. Ary nitahy azy ireo tany an-efitra Andriamanitra, namahana azy ireo tamin'ny mana, nitohy sy nitohy. Fa levona ny tsirairay avy tamin'izy ireo, satria tsy nihazona mihitsy ny Azy tany am-piandohana izy ireo, navela... Ny Sitrapony tany am-piandohana, Ny Teniny. Naka ny Fombany navela izy ireo.

¹⁷⁸ Mandehana, saingy, tsarovinareo, rehefa niala tao Kadesy izy ireo, dia tsy nanao dia lavitra mihitsy. Nandeha nihodina sy nihodina fotsiny izy ireo, tao an-efitra. Nefa, afaka nivoaka izy ireo, afaka roa andro taorian'izany, afaka ny ho tonga tao amin'ilay tany nampanantenaina izy ireo. Nanao dia efapolo taona izy ireo, ary maty ny tsirairay avy tamin'izy ireo afa-tsyz Josoa sy Kaleba, ireo hany nijanona teo amin'ilay Teny tany am-piandohana.

¹⁷⁹ O Andriamanitra, ampio izahay. Tsy manova ny Sitrapony Andriamanitra. Tsy manova ny Heviny Izy, fa hitahy anareo Izy.

Azo antoka, nitahy an'i Balama Izy. Fa inona no nataony tany? Nandoto an'ilay toby manontolo izy. Hitanareo, tsy maintsy mijanona eo amin'izay Nolazainy ianareo. Tsy nanova ny Drafiny tany am-piandohana mihitsy Izy.

¹⁸⁰ Jereo ireo Balama amin'izao andro izao, eny amin'ny saha, raha tianareo. Jereo fotsiny ny manodidina. Ambinina, miteny amin'ny fiteny tsy fantatra, azo antoka, mampiasa ny fanomezam-pahasoavan'Andriamanitra hahazoan-javatra, ny zavatra rehetra, azo antoka. Fa izany no manimba an'ilay fiangonan'Andriamanitra manontolo miaraka amin'ny fampianarany simba. Marina izany.

Nisy anankiray nilaza tamiko, hoy izy hoe, "Ho an'ny inona no anaovanao an'ity? Ho an'ny inona no anaovanao an'itsy?"

Hoy aho hoe, "Tsy mino ve ianao fa Izany no Fahamarinana?"

¹⁸¹ "Oh, eny. Saingy," hoy izy, "mba fantatrao moa? Tsy asanao izany. Tokony hivavaka ho an'ny marary ianao. Mino anao ho mpaminany iray izy ireo. Nahoana, afaka mampianatra an'ireo vehivavy ireo ianao hoe ahoana no, ary ireo lehilahy ireo, hoe ahoana no hanaovana an'ity, itsy, ary ny hafa."

"Ahoana no ahafahanareo mampianatra alzebra azy ireo nefy tsy hianatra ny ABD-ny akory aza izy ireo? Hah? Hah? Ahoana no ahafahanareo mampianatra azy ireo an'ireny zavatra ireny nefy tsy handray an'ireo bokin-tsekoliny akory aza izy ireo?" Hitany? Tsy maintsy miverina sy manomboka any amin'izay nanombohanareo ianareo, na teo amin'izay nijanonganareo, ka mandray ny Tenin'Andriamanitra rehetra.

¹⁸² Jereo fotsiny izany ao amin'ireo saha amin'izao andro izao. Tahaka ny nampanambadian'i Balama tao amin'ny fiangonan'Andriamanitra, mpijangajanga iray, nampanambady an'ilay mpijangajanga tao amin'ny fiangonan'Andriamanitra, dia toy izany koa no hiezahan'ireo mpampianatra sandoka miteny aminareeo amin'izao andro izao. Hampanambady ny tsirairay avy amin'ireo rafi-pandaminana sy ireo olona ireo amin'ilay mpijangajanga ratsin'ny Apokalypsy 17 izy ireo. Ny foto-pampianaran'i Balaman'izy ireo izay mandeha mihodinkodina amin'izao andro izao, ka manao hoe, "Mitovy mihitsy isika. Kristiana isika rehetra." Ary ireo pretra sy papa, sy inona koa, izy rehetra manao marimaritra iraisana sy manao an'izany.

¹⁸³ Nilaza ilay mpitory teny... Mahafantatra mpitory teny Pentekotista iray mihitsy aza aho, izy rehetra ireo, dia nanomboka manome kosher boribory ankehitriny. Izay midika hoe, *Ashtoreth*, ilay "andriamanitra-volana," hostia kosher iray. Hoy izy ireo, "Akimpio ny masonareo dia raiso izany, raha mandratra ny fieritreretanareo ilay izy." Akimpio ny masonareo? Hostia boribory iray, inona ny dikan'izany? Vatana novakivakiana iray no raisintsika, Jesosy Kristy, novakivakiana; fa tsy andriamanitra-volana boribory iray, Ashtoreth, izay nalain'i Maria ny toerany. Ary mbola boribory foana ilay kosher Romana, ho an'ny andriamanitra-volana, andriamanibavy, fa tsy andriamanitra. Manana kosher iray novakivakiana isika, izany tokoa. Oh!

¹⁸⁴ Noho izany ankehitriny ilay mpijangajanga lehiben'ny Apokalypsy 17, ireo Balama mpampianatra miaraka amin'ireo foto-pampianarany sandoka, dia mampanambady ny fiangonana ao amin'io karazana loto iray io. Diniho rehefa tonga eo amin'ilay fanehoan-kery izany amin'ny andro farany, jereo ilay fahalemen'izany ankehitriny. Rafi-pandaminana sivinjato mahery samihafa, ny anankiray misintona any amin'ny lâlana iray, ary ny anankiray mankany amin'ny hafa. Tsy misy firaisansa eo anivon'izy ireo. Ary miezaka mitondra firaisansa izy ireo; tsy nandrahoin'ny Tenin'Andriamanitra, ny drafitr'Andriamanitra tany am-piandohana. Manao an'izany amin'ny alâlan'ny politika sy rafi-pandaminana iray izy ireo.

Tsy manova ny Heviny Andriamanitra. Mijanona tsara amin'Ny Teniny Izy. Hoy Izy hoe, "Ny lanitra sy ny tany ho levona, fa Ny Teniko tsy ho levona." Marina izany. Mijanona amin'Ny Teniny tany am-piandohana Izy. Oh, oadray!

¹⁸⁵ Na dia mbola mandanjalanja manohitra an'Izany foana aza izy ireo, tahaka ny nataony mihitsy, ary izao fotsiny... Zavatra anankiray ihany no hatao. Tsy hanova an'Izany Izy. Minoa fotsiny. Satria, ny lanitra sy ny tany dia samy ho levona; Ny Teniny tsy ho diso mihitsy. Hitanareeo?

¹⁸⁶ Hitanareo ve hoe aiza no hampanambadiana anareo? Hitanareo ve ireo politika sy ny sisa, ahoana no hiezahan'izy ireo manakambana ny fiangonana miaraka amin'ny alàlan'ny politika ao anatin'ny fiangonana? Tsy mikambana amin'i Kristy amin'ny alàlan'ny politika isika.

Isika dia mikambana amin'ny Fiangonana, amin'i Kristy, amin'ny alàlan'ny batisan'ny Fanahy Masina. Ary ny fomba ahafantaranareo ny batisan'ny Fanahy Masina, dia satria io Fanahy ao anatinareo io no manondro ny Tenin'Andriamanitra rehetra ho ny Fahamarinana. Marina izany. "Fa na iza na iza hanaisotra Teny anankiray avy amin'Izany, na hanampy teny anankiray amin'Izany, dia hesorina ao amin'ny Bokin'ny Fiainana ny anjarany."

¹⁸⁷ Kanefa, "Ambinina izy," hoy ianareo. Tsy afaka hino an'Izany amin'ny alàlan'ny fanambinana ianareo. Tsy afaka hitsara an'Andriamanitra amin'ny alàlan'ny fanambinana ianareo. Ambinina izao tontolo izao. Nambinina tamin'ny alàlan'izany i Balama.

Fa, rahalahy, tsarao amin'ny alàlan'Ny Teniny Andriamanitra. Mihazona Ny Teniny Izy ary manondro Azy ho ny Fahamarinana. Noho izany, tsarovy, ry sakaiza, raha mbola velona foana ianareo, dia aza adino mihitsy izao: Tsy manova ny Heviny Andriamanitra. Kanefa, hitahy Izzy. Hamela anareo handeha amin'ny Sitrapony navela Izzy, saingy tsy hanova ny Heviny Izzy. Tsy hanova ny Drafiny Izzy. Tsy hanova Ny Teniny Izzy, ho anareo. Tsia, tompoke.

Ianareo no tokony hiova. Tsy afaka hanao ny Tenin'Andriamanitra hifanaraka amin'ny fahatsapanareo ianareo; ianareo no tokony hanao ny fahatsapanareo hifanaraka amin'ny Tenin'Andriamanitra. Hitanareo? Izany no fomba tsy maintsy hataonareo...

Hoy ianareo hoe, "Eny, lehilahy tsara iray aho. Andriamanitra manao an'ity, itsy, na ny hafa." Fa mihazona Ny Teniny ve ianareo? "Oh, eny, lazaiko anao, izany fotsiny tsy... Tsia." Eny àry, misy zavatra tsy mety any ho any. Andriamanitra dia handeha... Eny, hanambina anareo Izzy. Azo antoka, Izzy dia hanao anareo...

¹⁸⁸ Ambinina ho an'izay tsy hila an'izany ireo anaram-piangonana! Hamelatra ny tranolainy izy ireo, ireo fiangonana lehibe, tsara, sy ny zavatra rehetra, manerana ny firenena. Manan-karena izy ireo, ary mirarakana ao ny vola, sy ireo mambra avy aiza na aiza. Tsy nilaza ve ny Baiboly hoe, "Hita tao aminy mihitsy aza ireo harenan'izao tontolo izao, ary na dia ireo fanahin'ny olona aza," sy ny zavatra rehetra, izay hita tao amin'io mpijangajanga ratsy io, izay renin'ny zavatra manontolo, politika sy rafi-pandaminana?

¹⁸⁹ Fa ny vondrona kelin'Andriamanitra no Ilay Ampakariny, eo afovoan'ity Teny ity. Enga anie ilay Ray An-danitra malala

hihazona anareo ho marin-toerana tsara eo. Aza manalavitra an'ity Teny ity mihitsy ianareo.

Mety mitahy ianareo, ianareo mety... Mety manasitrana ny mararinareo Andriamanitra. Mety manasitrana ny zanakareo marary Izy. Mety manasitrana ny vadinareo lahy Izy, ny vadinareo vavy. Mety manasitrana ny reninareo Izy, olon-kafa. Mety mitsambikina amin'Ny Fanahiny ianareo, ary mandihy mandroso-sy-miverina.

Tsarovy, milatsaka eo amin'ny marina sy ny tsy marina ny ranonorana, mitovy mihitsy. Fa rehefa mipetraka ao io voa io, dia na izy voatendry na izy tsy voatendry. Ary raha voatendry izy, izany dia mety... Raha vary iray izy, dia tsy maintsy mamokatra vary. Raha Tenin'Andriamanitra iray izy, dia tsy maintsy hamokatra ny Tenin'Andriamanitra. Raha tsy izany izy, eny, amin'izay fotoana izay dia tsy izy izany. Hitanareo? Azonareo ve izany ankehitriny?

¹⁹⁰ Ny Tompo hitahy anareo. Indro efa noteneniko taminareo fa hijanona amin'ny sivy ora aho, nefá indro ilay izy, amin'ny folo latsaka roapolo minitra. Maro aminareo olona, no manana lâlana lavitra haleha. Tiako ianareo. Ary ny antony nihazonako anareo tahaka an'izao, dia tsy hoe satria te-hasiaka aminareo aho, fa tiako ianareo. Ary izay fantattro, dia tsy mihazona na inona na inona aho; miteny aminareo ny Fahamarinana aho.

¹⁹¹ Any amin'ireo fivoriana izay alehako, tsy mandre ahy mihitsy mitory an'ireto Hafatra ireto ianareo. Tsia, nampanantena anareo aho, mba ho tonga eto amin'ity tabernakla ity. Avy eto mihitsy no itoriako ny Hafatro. Mbola manana telo na efatra aho eto, izay nomen'ny Tompo ahy, manana an'ireo Soratra eo amin'izany aho, izay tsy ho sahiko mihitsy ny hitory azy any an-kafa any raha tsy eto. Avy eto no manomboka mandeha ny Tenin'Andriamanitra. Ary, mandrapanovan'Andriamanitra an'izany, dia hijanona eto mihitsy aho ary hitondra an'izany eto mihitsy. Marina izany.

Any amin'ireo fivoriana lavitra any, dia mivavaka ho an'ny marary aho, sy ny zavatra rehetra tahaka an'izany; ary, eo amin'ny ilany, dia milaza an'ireo zavatra amin'ny fomba miolaka, mba handrenesan'ilay ondry Azy. Fantatr'izy ireo izay resahan'izany. Amin'ny fomba hafa, dia fandrika eo amin'ilay lelam-pitana fotsiny ilay izy, hitanareo. Maneho an'ireo famantarana aho izay—izay miezaka maneho fa mahafantatra Andriamanitra, ao amin'ny famantarana, ary mahafantatra ny fon'ny olona, ka manao an'ireo zavatra ireo. Izany no fanomezana arapilazantsara iray, hampientana ny olona fotsiny.

Ny zavatra voalohany fantatrareo, dia tonga ao an-tranon'izy ireo ny horonam-peo iray. Izany no manao an'ilay izy, amin'izay fotoana izay. Raha ondry iray izy, dia tonga avy hatrany miaraka amin'Izany. Raha osy iray izy, dia havoakany ilay horonam-peo.

Ah-hah. [Hoy Rahalahy Ben Bryant hoe, “Ary ianareo, ihany koa.”—Mpand.] Hitanareo, izany dia... “Ary ianareo, ihany koa,” marina izany, Ben. Izany, marina tokoa izany. Efa nanana fahatsapana iray i Ben. Eny àry. Eny, marina izany.

¹⁹² Tsy faly ve ianareo fa Azy? [Hoy ny fiangonana hoe, “Amena.”—Mpand.] Tsy faly ve ianareo? [“Amena.”] Nihira hira pentekotista kely iray isika fahiny, efa ela be, tahaka an’izao:

Tena faly aho fa ny Tompo no namoaka ahy;
 Tena faly aho fa ny Tompo no namoaka ahy;
 Raha tsy noho i Jesosy, dia ho taiza aho?
 Tena faly aho fa ny Tompo no namoaka ahy.
 Oh, sambatra aho hatramin’ny namoahan’ny Tompo ahy;
 Sambatra aho hatramin’ny namoahan’ny Tompo ahy;
 Raha tsy noho i Jesosy, dia ho taiza aho?
 Tena faly aho hatramin’ny namoahan’ny Tompo ahy.
 Niantsoantso aho hatramin’ny namoahan’ny Tompo ahy;
 Niantsoantso aho hatramin’ny namoahan’ny Tompo ahy;
 Raha tsy noho i Jesosy, oh, dia ho taiza aho?
 Tena faly aho fa ny Tompo no namoaka ahy.

Voninahitra! Tsy faly ve ianareo? [Hoy ny fiangonana hoe, “Amena.”—Mpand.] “Tsy faly ve ianao...” Ndao isika hihira an’izany.

Tsy faly ve ianao fa ny Tompo no namoaka anao?
 Tsy faly ve ianao fa ny Tompo no namoaka anao?
 Raha tsy noho i Jesosy, oh, dia ho taiza aho?
 Tena faly aho fa ny Tompo no namoaka ahy.
 Eny, nihira aho hatramin’ny namoahan’ny Tompo ahy;
 Nihira aho hatramin’ny namoahan’ny Tompo ahy;
 Raha tsy noho i Jesosy, oh, dia ho taiza aho?
 Tena faly aho fa ny Tompo no namoaka ahy.

Tsy faly amin’izany ve ianareo? [Hoy ny fiangonana hoe, “Amena.”—Mpand.] Noho izany, dia handeha ao amin’ny Hazavana isika. Hainareo ve izany hira izany?

Handeha ao amin’ny Hazavana isika, Hazavana mahafinaritra Izany,
 Tonga eo amin’izay amirapiratan’ireo andon’ny famindrampo;
 Mamiratra manodidina antsika rehetra andro aman’alina,
 Oh, Jesosy, ilay Hazavan’izao tontolo izao.

Tsy tianareo ve izany? Ndao isika hihira an'izany indray.

Handeha ao amin'ny Hazavana isika, Hazavana mahafinaritra Izany,
 Tonga eo amin'izay amirapiratan'ireo andon'ny famindrampo;
 Mamiratra manodidina antsika rehetra andro aman'alina,
 Oh, Jesosy, ilay Hazavan'izao tontolo izao.

Izao no fiakaran'ny masoandro!

Ianareo rehetra masin'ny Hazavana milazà,
 Jesosy, ilay Hazavan'izao tontolo izao;
 Fahamarinana sy famindrampo amin'Ny Anarany,
 Jesosy, ilay Hazavan'ny . . .

Ankehitriny ndao isika hanangana ny tànantsika rehefa mihira an'izany.

Oh, handeha ao amin'io Hazavana io isika,
 Hazavana iray tena mahafinaritra Izany,
 Tonga eo amin'izay amirapiratan'ireo andon'ny famindrampo Izany;
 Mamiratra manodidina antsika rehetra andro aman'alina,
 Jesosy, ilay Hazavan'izao tontolo izao.

Raiso ny tànan'ny hafa.

Oh, tonga eo amin'izay amirapiratan'ireo andon'ny famindrampo Izany.

Tsy faly ve ianareo fa zanaky ny Hazavana? Miakatra ilay Zanaka.

. . . manodidina antsika rehetra andro aman'alina,
 "Ianareo rankizy madinika, mifankatiava."

Oh, handeha fotsiny ao amin'ny Hazavana isika,
 Izany dia maha- . . . (fanehoana Ny Teniny)
 Tonga eo amin'izay amirapiratan'ireo andon'ny famindrampo,
 Mamiratra fotsiny manodidina antsika rehetra andro aman'alina,
 Izany no Jesosy, ilay Hazavan'ny Teny.

Mino an'izany ve ianareo rehetra?

Mandeha isika mankany Ziona,
 Ilay tsara tarehy, Ziona tsara tarehy;
 Mandeha miakatra any Ziona isika,
 Ilay Tanàna tsara tarehin'Andriamanitra.

Oh, mandeha mankany Ziona isika . . .

Aoka izy ireo handà tsy hihira
 Ireo tsy nahafantatra ny Andriamanitsika mihitsy;
 Fa ireo zanak'ilay Mpanjakan'ny Lanitra kosa,
 Ary fa ireo zanak'ilay Mpanjakan'ny Lanitra kosa,
 Dia aoka izy ireo hiteny ny fifaliany any ivelany,
 Aoka izy ireo hiteny ny fifaliany any ivelany.

Fa mandeha isika . . . (Voninahitral!)
 Ilay tsara tarehy, Ziona tsara tarehy;
 Oh, mandeha miakatra any Ziona isika,
 Ilay Tanàna tsara tarehin'Andriamanitra.

Oh, mandeha isika mankany Ziona,
 Oh, tsara tarehy, Ziona tsara tarehy;
 Mandeha miakatra any Ziona isika,
 Ilay Tanàna tsara tarehin'Andriamanitra.

¹⁹³ Avohay ny mosaranareo. Raiso ireo mosaranareo, vetivety fotsiny. Ndao isika hanolotra fanatitra ahofahofa iray ho an'ny Tompo. Tsy amboara iray izany, fa naka mosara sy ny sisa avy teo amin'ny vatan'i Paoly izy ireo, hitanareo.

Oh, mandeha isika mankany Ziona,
 Oh, tsara tarehy, Ziona tsara tarehy;
 Mandeha miakatra any Ziona isika,
 Ilay Tanàna tsara tarehin'Andriamanitra.

Oh, mandeha isika mankany Ziona,
 Oh, tsara tarehy, Ziona tsara tarehy;
 Mandeha miakatra any Ziona isika,
 Ilay Tanàna tsara tarehin'Andriamanitra.

¹⁹⁴ Amena! Oh, tsy manao anareo hahatsapa ho tsara ve izany? Azoko eritreretina mihitsy ireo olo-masina fahiny tany aoriana tany, talohan'ny nidirany teo amin'ilay kianja Romana tany, nanomboka niakatra an'ilay havoana, fantatrareo, teo ambonin'ilay fiakarana kely, mitondra mankao amin'ny lavaky ny liona, nanao hoe:

Oh, mandeha isika mankany Ziona,
 Ity tsara tarehy, Ziona tsara tarehy ity;
 Mandeha miakatra any Ziona isika,
 Ilay Tanàna tsara tarehin'Andriamanitra.

Ireo sahan'i Ziona dia mahavokatra
 Hamamiana masina arivo
 Alohan'ny hahatratrantsika an'ilay Seza
 fiandrianan'ny Lanitra,
 Alohan'ny hahatratrantsika an'ilay Seza
 fiandrianan'ny Lanitra,
 Na handehanantsika eo amin'ireo lâlambe
 volamena,
 Na handehanantsika eo amin'ireo lâlambe
 volamena.

Mandeha isika mankany Ziona,
 Izany ilay tsara tarehy, Ziona tsara tarehy;
 Mandeha miakatra any Ziona isika,
 Ilay Tanàna tsara tarehin'Andriamanitra.

¹⁹⁵ Avereno aoriako. Tompo Andriamanitra, [Hoy ny fiangonana hoe, “Tompo Andriamanitra,”—Mpand.] Manolotra ny tenako ho Anao indray aho. [“Manolotra ny tenako ho Anao indray aho.”] Diovy aho hiala amin’ny tsi-fahamarinana rehetra. [“Diovy aho hiala amin’ny tsi-fahamarinana rehetra.”] Diovy aho hiala amin’ny fisalasalana rehetra amin’Ny Teninao. [“Diovy aho hiala amin’ny fisalasalana rehetra amin’Ny Teninao.”] Avelao aho, manomboka amin’ity Paska ity, [“Avelao aho, manomboka amin’ity Paska ity,”] ho olom-baovao iray [“ho olom-baovao iray”] ao amin’i Kristy Jesosy. [“ao amin’i Kristy Jesosy.”] Avelao aho hitondra, ao am-poko, [“Avelao aho hitondra, ao am-poko,”] Ny Teninao. [“Ny Teninao.”] Enga anie Izany ho Fanilon’ny tongotro [“Enga anie Izany ho Fanilon’ny tongotro”] izay Hanazava ny lèlako. [“izay Hanazava ny lèlako.”] Ka manomboka izao, [“Ka manomboka izao,”] dia hanaraka Anao aho. [“dia hanaraka Anao aho.”] Amin’ny Anaran’i Jesosy. [“Amin’ny Anaran’i Jesosy.”] Amena. [“Amena.”]

Mandeha isika mankany Ziona,
 Oh, tsara tarehy, Ziona tsara tarehy;
 Mandeha miakatra any Ziona isika,
 Ilay tanàna tsara tarehin'Andriamanitra.

¹⁹⁶ Tsy manao anareo hahatsapa ho tsara ve izany? [Hoy ny fiangonana hoe, “Amena.”—Mpand.] Nanolotra ny tenantsika indray isika, eo am-pahafantarana fa ao am-pontsika dia efa novelomina avy tamin’ny maty isika, natao velona. Tsy manao anareo hahatsapa ho tsara ve izany? [“Amena.”] Oadray, oh, oadray! Tiako ianareo, amin’ny fitiavana tsy mety maty.

Henoy. “Mifankatiava. Satria tsy afaka ny hankahala ny rahalahinareo ianareo, izay hitanareo, nefá hilaza fa tia an’Andriamanitra, Izay tsy hitanareo.” Hitanareo? Noho izany dia mifankatiava fotsiny.

Amin’izay fotoana izay, raha mifanompo ianareo, dia manompo an’Andriamanitra. Marina ve izany? “Arak’izay ataonareo amin’ireto madinika ireto izay manana ny Hery mameleona ao anatiny, no nanaovanareo an’izany Tamiko.”

“Oviana izahay no nahita Anao nanana ilaina? Oviana izahay no namangy Anao tao an-tranomaizina? Oviana izahay no nanaao an’ireo zavatra ireo?”

“Izay nataonareo tamin’izy ireo, dia nataonareo Tamiko.”

¹⁹⁷ Tsy mahafinaritra ve izany? [Hoy ny fiangonana hoe, “Amena.”—Mpand.] Tiako Izzy, ary ianareo? [“Amena.”]

¹⁹⁸ Oh, mbola misy hira anankiray tokony ho hiraintsika, raha mbola manana iray minitra fotsiny ianareo. Oh, eny, halaintsika fotsiny izy ireo. Eny àry. Eny àry, tompoko. Oh! *Raiso Eo Aminao Ny Anaran'i Jesosy*. Aza adino izany, ry sakaiza. Ndao isika rehetra hihira an'izany ankehitriny. Ny tsirairay, miaraka ankehitriny, miaraka amin'ny fo iray goavana fotsiny, atolory Azy izany. Ndao isika, miaraka amin'izay ananantsika rehetra ao anatintsika.

Raiso eo aminao ny Anaran'i Jesosy,
Ry zanaky ny alahelo sy fahoriana;
Hanome fifaliana sy fiononana anao izany,
Raiso izy na aiza na aiza alehanao.

Anarana sarobidy, O tena mamy!
Fanantenan'ny tany sy fifalian'ny Lanitra;
Anarana sarobidy, O tena mamy!
Fanantenan'ny tany sy fifalian'ny Lanitra.

¹⁹⁹ Tsarovy ankehitriny, mivavaha ho ahy rehefa mitsoka ireo rivotry ny fanenjehana mahamay, rehefa mihaika amin'ny lafiny rehetra ireo devoly, dia hahatsiaro aho fa mivavaka ho ahy ianareo na andro na alina, ary hivavaka ho anareo aho.

Tohano ny pasitera tsaranareo, Rahalahy Neville, sy ny mpiara-miasa, Rahalahy Capps. Henoy izy ireo. Hampianatra anareo ny Tenin'ny Fiainana izy ireo. Mino an'izany aho. Raha tsy nino an'izany aho, dia tsy ho nanana azy ireo eto tokoa. Tsy ho nanana tokoa aho. Mino aho fa mino ny Hafatra izy ireo, ary mijanona miaraka amin'izany izy ireo amin'ny tsara indrindra amin'ny fahalalany, ary manana finoana an'ireo lehilahy roa ireo aho. Mijanòna miaraka amin'izy ireo. Ireto rahalahy hafa ireto, manerana an'izay hanaovan'izy ireo ny favoriany, izay nitsangana teto izao hariva izao, raha any akaikin'izy ireo ianareo, dia tohano izy ireo. Renareo hoe ho an'ny inona no nahatongavan'izy ireo teto, izao hariva izao.

Raiso eo aminao ny Anaran'i Jesosy,
Ho ampinga amin'ny ahiahy rehetra; (henoy ity)
Rehefa tonga aminao ny fakam-panahy,
Bitsiho am-bavaka fotsiny ilay Anarana masina.

Anarana sarobidy, Anarana sarobidy, O tena mamy! O tena mamy!
Fanantenan'ny . . .

Andriamanitra malala, sitrano ireto vahoaka ireto. Mivavaka Aminao aho, Ray, amin'ny Anaran'i Jesosy. Ekeo izany, Tompo, mivavaka aho.

. . . O tena mamy!
Fanantenan'ny tany sy fifalian'ny Lanitra.

Mandra-pihaonantsika! Mandra-pihaonantsika!
 Mandra-pihaonantsika eo an-tongotr'i Jesosy;
 Mandra-pihaonantsika! Mandra-pihaonantsika!
 Homba anao anie Andriamanitra mandra-
 pihaonantsika indray.

Ndao isika hanondrika ny lohantsika ankehitriny.

[Manomboka misamonomonona ny *Homba Anao Anie Andriamanitra Rahalahy Branham—Mpand.*] O Andriamanitra, mombà anay. Ampio izahay, Tompo.

...pihaonantsika eo an-tongotr'i Jesosy!
 (mandra-pihaonantsika!)
 Mandra-pihaonantsika! Mandra-pihaonantsika!
 Homba anao anie Andriamanitra mandra-
 pihaonantsika indray.

²⁰⁰ Izany marina tokoa ny fivavako. Mandra-pihaonantsika indray, Andriamanitra hitahy anareo! Ary ankehitriny dia hangataka ny Rahalahintsika Neville sarobidy aho raha handrava an'ity fiangonana mahafinaritra ity izy.

Tia anareo Andriamanitra, ny tsirairay avy. Tena mankasitraka aho ny manana vahoaka tahaka anareo rehetra. Ho inona ny Hafatro raha tsy nanana olona izay nino an'Izany aho? Ary misy olona eto, ho faty ho an'Izany ianareo, ho an'ity Hafatra izay ananantsika ity. Enga anie Andriamanitra hanampy anareo, ny tsirairay avy. Miaraka aminareo ny fivavako. Miaraka amin'ny tsirairay avy aminareo ireo tso-dranoko. Enga anie ianareo tsy hanadino fa ampahany iray ao amin'ity fitsanganana ity ianareo. Ao anatinareo ilay Hery mameleona ankehitriny. Milamina ny rehetra. Zanak'Andriamanitra ianareo.

Ndao isika hanondrika ny lohantsika, mandra-pahatongan-dRahalahy Neville hampirava. Ary Andriamanitra hitahy anareo.



*MBA MANOVA NY HEVINY MIKASIKA
NY TENINY VE ANDRIAMANITRA?* MAG65-0418E
(Does God Ever Change His Mind About His Word?)

Ity Hafatr'i Rahalahy William Marrion Branham ity, izay notoriana tamin'ny Teny Anglisy hatrany am-piandohany ny Alahady hariva, 18 Aprily 1965, tao amin'ny Branham Tabernacle ao Jeffersonville, Indiana, U.S.A., dia nalaina avy tamin'ny horonam-peo ary natonta manontolo amin'ny Teny Anglisy. Ity fandikana amin'ny Teny Malagasy ity dia natonta sy nozarain'ny Voice Of God Recordings.

MALAGASY

©2016 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Filazana fahefan'ny tompon'ny boky

Tsy azo adika. Ity boky ity dia azo atao printy amin'ny fanaovam-printy ao an-trano ho an'ny fampiasana manokana na ho zaraina, tsy misy sarany, ho fitaovana iray hanaparitahana ny Filazantsaran'i Jesosy Kristy. Ity boky ity dia tsy azo amidy, na adika indray amin'ny refy lehibe, na alefa amin'ny siteweb iray, na tehirizina amin'ny fomba nisy nanesorana, na adika amin'ny fiteny hafa, na ampiasaina ho fangataham-bola raha tsy misy alàlana voasoratra mazava avy amin'ny Voice Of God Recordings®.

Ho an'ny fanazavana fanampiny na ho an'ny fitaovana hafa efa azo raisina, dia iangaviana hifandray amin'ny:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org